

郡國利病書

卷一至三

北直



郡國利病書序

崇禎己卯秋闈被擯退而讀書感四國之多虞恥經生
之寡術於是歷覽二十一史以及天下郡縣志書一代
名公文集間及章奏文冊之類有得即錄共成四十餘
帙一為輿地之記一為利病之書比遭兵火多有散佚
亦或增補而其書本不曾先定義例又多徃代之言地
勢民風與今不合年老善忘不能一一刊正姑以初藁
存之篋中以待後之君子斟酌去取云爾士寅七月望
日亭林山人書

郡國利病書目次

卷一

輿地山川總論

卷二

北直一

卷三

北直二

卷四

北直三

卷五

北直四

卷六

北直五

卷七

北直六

卷八

北直七

卷九

北直八

卷十

北直九

卷十一

北直十

卷十二

北直十一

卷十三

江南一

卷十四

江南二

卷十五

江南三

卷十六

江南四

卷十七

江南五

卷十八

江南六

卷十九

江南七

卷二十

卷二十一

江南八

江南九

卷二十二

江南十

卷二十三

江南十一

卷二十四

江南十二

卷二十五

江南十三

卷二十六

江南十四

卷二十七

江南十五

卷二十八

江南十六

卷二十九

江南十七

卷三十

江南十八

卷三十一

江南十九

卷三十二

江南二十

卷三十三

江南二十一

卷三十四

江南二十二

卷三十五

山東一

卷三十六

山東二

卷三十七

山東三

卷三十八

山東四

卷三十九

山東五

卷四十

山東六

卷四十一

山東七

卷四十二

山東八

卷四十三

山東九

卷四十四

山東十

卷四十五

山西一

卷四十六

山西二

卷四十七

山西三

卷四十八

山西四

卷四十九

山西五

卷五十

河南一

卷五十一

河南二

卷五十二

河南三

卷五十三

河南四

卷五十四

河南五

卷五十五

陝西一

卷五十六

陝西二

卷五十七

陝西三

卷五十八

陝西四

卷五十九

陝西五

卷六十

陝西六

卷六十一

陝西七

卷六十二

陝西八

卷六十三

陝西九

卷六十四

陝西十

卷六十五

四川一

卷六十六

四川二

卷六十七

四川三

卷六十八

四川四

卷六十九

四川五

卷七十

四川六

卷七十一

四川七

卷七十二

湖廣一

卷七十三

湖廣二

卷七十四

湖廣三

卷七十五

湖廣四

卷七十六

湖廣五

卷七十七

湖廣六

卷七十八

湖廣七

卷七十九

江西一

卷八十

江西二

卷八十一

江西三

卷八十二

江西四

卷八十三

浙江一

卷八十四

浙江二

卷八十五

浙江三

卷八十六

浙江四

卷八十七

浙江五

卷八十八

浙江六

卷八十九

浙江七

卷九十

浙江八

卷九十一

福建一

卷九十二

福建二

卷九十三

福建三

卷九十四

福建四

卷九十五

福建五

卷九十六

福建六

卷九十七

廣東一

卷九十八

廣東二

卷九十九

廣東三

卷一百

廣東四

卷一百一

廣東五

卷一百二

廣東六

卷一百三

廣東七

卷一百四

廣東八

卷一百五

廣西一

卷一百六

廣西二

卷一百七

雲南一

卷一百八

雲南二

卷一百九

雲南三

卷一百十

雲南四

卷一百十一

雲南五

卷一百十二

雲南六

卷一百十三

貴州一

卷一百十四

貴州二

卷一百十五

邊備

卷一百十六

河套

卷一百十七

西域

卷一百十八

交趾

卷一百十九

海外諸番

卷一百二十

海外諸番入貢互市

郡國利病書卷之一 輿地山川總論

裴秀傳

秀為司空以職在地官以禹貢山川地名從來久遠多有變易後世說者或強牽引漸以暗昧于是甄擷舊文疑者則闕之古有名而今無者皆隨事注列作禹貢地域圖十八篇奏之藏於祕府其序曰圖書之設由來尚矣自古立象垂訓而賴其用三代置其官國史掌厥職暨漢屠咸陽丞相蕭何盡收秦之圖籍今祕書既無古之地圖又無蕭何所得惟有漢氏輿地及括地諸雜圖各不設分率又不考正準望亦不備載名山大川雖有

羸形皆不精審不可依據或荒外迂誕之言不合事實
于義無取大晉龍興混一六合以清宇宙始于庸蜀深
入其岨文皇帝乃命有司撰訪吳蜀地圖蜀土既定六
軍所經地域遠近山川險易征途迂直校驗圖記固或
有差今上考禹貢山海川流原隰陂澤古之九州及今
之十六州郡國縣邑疆界鄉阪及古國盟會舊名水陸
徑路為地圖十八篇制圖之體有六焉一曰分率所以
辨廣輪之度也二曰準望所以正彼此之體也三曰道
里所以定所由之數也四曰高下五曰方邪六曰迂直
此三者皆因地而制形所以校夷險之異也有圖象而

無分率則無以審遠近之差有分率而無準望雖得之
于一隅必失之于他方有準望而無道里則施於山海
隔絕之地不能以相通有道里而無高下方邪迂直之
校則徑路之數必與遠近之寔相違失準望之正矣故
以此六者參而考之然遠近之寔定于分率彼此之寔
定于道里度数之寔定于高下方邪迂直之算故雖有
峻山鉅海之隔絕域殊方之迥登降詭曲之因皆可得
舉而定者準望之法既正則曲直遠近無所隱其形也
周禮大司馬正義有云若據鳥飛直路則周之九服亦
止五千若隨山川屈曲則禹貢亦萬里

唐書

賈耽好地理學凡四夷之使及使四夷還者必與之從容訊其山川土地之終始是以九州之夷險百蠻之土俗區分指畫備究源流自吐蕃陷隴右積年國家守於內地舊時鎮戍不可得知乃耽畫隴右山南圖兼黃河經界遠近聚其說為書十卷表獻曰臣聞楚左史倚相能讀九邱晉司空裴秀創為六體九邱乃成賦之古經六體則為圖之新意臣雖愚昧夙嘗師範累蒙拔擢遂忝台司雖歷踐職任誠多曠闕而率土山川不忘寤寐其大罔外薄四海內別九州必藉精詳乃可摹寫見更

續集續真畢功然而隴右一隅久淪蕃寇職方失其圖
記境土難以區分輒扣課虛微採掇輿議函關中隴右
及山南九州等圖一軸伏以洮湟舊墟連接監牧甘涼
右地控帶朔陸歧路之偵候交通軍鎮之備禦衝要莫
不匠意就實依稀像真如聖恩遣將護邊新書授律則
靈慶之設險在目原會之封畧可知諸州諸軍須論里
數人額諸山諸水須言首尾源流上不可脩書憑據必
資記注謹撰別錄六卷又黃河為四瀆之宗西戎乃郡
羗之帥臣並研尋史牒剪棄浮詞釐所聞知編為四卷
通錄都成十卷文義鄙朴伏增慙悚德宗覽之稱善賜

廐馬一匹銀絲百匹銀鉞盤各一至十七年又謨成海
內華夷圖及古今郡國縣道四夷述四十卷表敵之曰
臣聞地以博厚載物萬國基布海以委輸環外百蠻繡
錯中夏則五服九州殊俗則七戎六狄普天之下莫非
王臣昔母邱出師東銘不耐甘英奉使西抵條支奄蔡
乃大澤無涯蜀賓則懸度作險或道里四達或名號改
移古來通儒罕遍詳究臣弱冠之歲好聞方言筮仕之
辰注意地理究覘研考垂三十年絕域之比隣異蕃之
習俗梯山敵琛之路乘舶來朝之人咸究竟其源流訪
求其居處闡聞之行賈戎貊之遺老莫不聽其言而掇

其要問閭之瑣語風謠之小說亦收其是而芟其偽然
殷周以降封畧益明承歷教者八家渾區宇者五姓教
教所及惟唐為大秦皇罷侯置守長城起於臨洮考武
拓地開邊障塞限於雞鹿東漢則哀牢請吏西晉則裨
離輒結隋室列四郡於卑和海西創三州於扶南江北
遼陽失律因而棄之高祖神堯皇帝誕膺天命奄有四
方太宗繼明重熙柔遠能迹踰大磧通道北至仙娥於
骨利幹置元闕州高宗嗣守丕績克廣前列遣單車賫
詔西越葱山於波刺斯立疾陵府中宗復配天之業不
失旧物睿宗含先天之量惟新永罔元宗以大孝清內

以無為理外大宛驥騮歲充內廐與貳師之窮兵黷武
豈同年哉肅宗掃平氛祲潤澤生人代宗剷除殘孽
倫攸叙伏惟皇帝陛下以上聖之姿當太平之運敦信
明義履信包元惠養黎蒸懷柔遐裔故瀘南貢麗水之
金漠北獻余吾之馬元化洋溢率土霑濡臣幼切磋於
師友長趨侍於軒墀自揣孱愚叨榮非據鴻私莫答夙
夜兢惶興元元年伏奉進止令臣修撰國圖旋即充
使魏州汴州出鎮東洛東都間以衆務不遂專門績用
尚虧憂愧弥切近乃力竭衰病思殫所聞見藁於丹青
謹令工人函海內華夷圖一軸廣三丈從三丈三尺率以

一寸折成百里別章甫左袵奠高山大川縮四極于織
縞分百郡于作績宇宙雖廣舒之不盈庭舟車所通覽
之或在目并撰古今郡國縣道四夷述四十卷中國以
以禹貢為首外夷以班史發源郡縣紀其增減蕃落叙其
衰盛前地理書以黔州屬酉陽今則改入巴郡前西戎
志以安國為安息今則改入康居凡諸跡舛悉從釐正
隴西十地播棄於永初之中遼東樂浪陷屈於建安之
際曹公棄陘北晉氏遷江南緣邊累經侵盜故墟日致
堙毀舊史撰錄十得二三今書搜補所獲大半周禮職
方以淄時為幽州之浸以華山為荆河之鎮既有乖於

禹貢亦不出于海中多聞闕疑詎敢編次其古郡國題
以墨今州縣題以朱今古殊文孰習簡易臣學謝小成
才非博物伏波之聚米開示衆軍鄴侯之圖書方知阮
塞企慕前哲嘗所寄心輒罄庸陋多慚紕繆優詔答之
賜錦綵二百匹袍段六錦帳二銀餅盤各一銀棹二馬
一匹進封魏國公

王士性五岳游草

地脉

自昔以雍冀河洛為中國楚吳越為夷今教名文物反
 以東南為盛大河南北不無少讓何容有云此天運循
 環地脉移動彼此乘除之理余謂是則然矣要知天地
 之所以乘除何以故自昔堪輿家皆云天下山川起崑
 崙分三龍入中國然不言三龍盛衰之故蓋龍神之行
 以水為斷深山大谷豈足跡能徧惟問水則知山崑崙
 據地之中四旁山麓各入大荒外入中國者一東南支
 也其支又于塞外分三支左支環陰山賀蘭入山西起

太行數千里出為鑿巫閭度遼海而止為北龍中支循
西番入趙岷山沿岷江左右出江右者包叙州而止
江左者北去趙關中脉系大散關左渭右漢中出為終
南太華下秦山起嵩高右轉荆山抱淮水左落平原千
里起太山入海為中龍右支出吐蕃之西下麗江趨雲
南遶霑益貴竹關嶺而東去沅陵分其一由武岡出湘
江西至武陵止又分其一由桂林海陽山過九嶷衡山
出湘江東趨匡廬止又分其一過庾嶺度草坪去黃山
天目三吳止過庾嶺者又分仙霞關至閩止分衢為大
盤山右下括蒼左去為天台四明度海止總為南龍宋

儒乃謂南龍與中龍同出岷山沿江而分蓋宋畫大渡
河為守而棄滇雲當時士夫游轍未至故不知而臆度
之也今金沙江源出吐蕃犁牛河入滇下川江則已先
于塞外隔斷岷山矣故南龍不起岷山也古今王氣中
龍最先發最盛而長北龍次之南龍向未發自宋南渡
始發而久者宜其少間歌其新發者其當空涌何疑何
以見其然也洪荒方闢伏羲都陳少昊都曲阜顓頊都
牧野周自后稷以來起岐山豐鎬生周公孔子秦又都
關中漢又都之唐又都之宋又都汴故曰中龍先而久
黃帝始起涿鹿堯都平陽舜都蒲坂禹都安邑其後畫

發于塞外獵狝冒頓突厥夷狄之王最後遼金至元而亦入主中國故曰北龍次之吳越當秦伯時猶然被髮文身楚入春秋尚為夷服孫吳司馬晉六朝稍一王建康僅偏安一隅亦無百年之主至宋高南渡立國百餘年我太祖方纔混一故曰南龍王方始也或謂雲貴東西廣皆南龍而獨盛於東南何曰雲貴兩廣皆行龍之地前不云乎南龍五支一止於武陵荆南一止於匡廬一止于天目三吳一止于越一止于閩咸遇江河湖海而止不前則必于其處湧躍潰出而不肯遽收宜今日東南之獨盛也然東南他日盛而久其勢未有不轉

而雲貴百粵如樹花先開必于本末其髓盛而花不盡者又轉而老幹內時溢而成萼薇桂等花皆然山川氣寧與花木異故中龍先陳先曲阜其後轉而閩中北龍先涿鹿先晉陽後亦轉而塞外今南龍先吳楚閩越安得他日不轉而百粵鬼方也或謂齊魯亦中龍之委也乃周孔而後聖人王者不生意先輩秀穎所鍾多矣曰固然亦黃河流斷其地脉故也河行周秦漢時俱河間入海河間者禹九河之間也故齊魯為中龍自隋煬帝幸江都引河入汴河竟委淮將齊魯地脉流隔尚得大山塞護海東王氣不絕故列侯將相英賢不足而聖王

不興意以是乎然則我朝王氣何如曰俱非前代之
比前代龍氣王一支惟我朝鳳泗祖陵既鍾靈于
中龍之滙留都王業又一統于南龍之委今長安宮
闕陵寢又孕育於北龍之蹕兼三大龍而有之安得不
萬斯年也此余於送徐山人序中已及之而特未詳其
說

形勝

自古郡國分治割裂茫乎無據惟我朝兩都各省會
天造地設險要不易兩都乃二祖創建神謨廟畫制
盡善弗論如出都門以西則晉中太行數千里亘其東

洪河抱其西沙漠限其北自然一省會也又西則關中
河流與潼關界其東劍閣梁山阻其南諸番臂其西北
左渭右漢終南為宗亦自然一省會也轉而南則蜀中
層巒疊嶂環以四周沃野千里躡其中服岷江為經衆
水緯之咸從三峽一線而出亦自然一省會也出峽而
東則入楚長江橫絡江南九水滙于洞庭江北諸流導
於漢水然後入江沅桂永吉袁寧諸山包其前荆山裹
其北亦自然一省會也又東則江右左黃山右匡廬二
龍咸自南來迤邐東西南三面環之衆水皆出于本省
浸於彭蠡一道以入于江去水來山長江負其後亦自

然一省會也五嶺以外為兩廣、右又自為一局三江
咸交於蒼梧以東又分梅嶺以東自為一支以包乎北
盡東海為閩皆大海前遠之亦皆自然之一省會也西
南萬里滇中滇自為一國貴竹綫路初奉為滇之門戶
後乃開設為省者非得已也牂牁烏柳諸水散流湖北
川東轄制非一蓋有由矣獨中原片土莽蕩數千里無
山不得不強畫野以經界之故睢陳以東鳳泗而下北
兗濟以南人情土俗不甚差殊然兩河之流中貫淮衛
為輔太行在後荆山在前秦山西峙嵩高中起亦自然
一省會也山東以秦岱為宗其于各省雖無高山大川

之界然合齊魯為一原自周公太公之舊疆也不入他
郡邑矣惟兩浙兼吳越之分土山川風物迥乎不侔浙
西澤國無山俗靡而巧近蘇常以地原自吳也浙東負
山枕海其俗朴自甌越為一區矣兩都一統之業自本
朝始南都轉漕為易文物為華車書所同似乎宗周北
都太行天塹大海朝宗扼夷狄之吭據戎馬之地似乎
成周附龍江客問昔在龍城客有問余黔中百粵風氣久不
開者余曰江南諸省會雖咸多山然過作省會處咸開
大洋駐立人烟凝聚氣脉各有澤藪停蓄諸水不徑射
流即如川中山繞離祖水尚源頭然猶開成都千里之野

水雖無瀦然全省群流總歸三峽一線故為西大省獨
貴竹百粵山牽群列隊向東而行粵西山好而水無開
洋貴竹山劣而又無閉水龍行不住郡邑皆立于山椒
水漬止為南路龍過路之場尚無駐蹕之地故粵西數千
年閩習雖與吳越閩廣同入中國不能同耀光明也黔
中槩可知已昔蒙恬被收自嘆曰吾築長城起臨洮負
海吾不無絕地脉哉宋徽宗時有人于汴城中夜步月
偶鑑盆水駭而嘆曰天星不照地脉已絕此地不久當
為胡地矣此未可以堪輿言少之

風土

南北寒暑以大河為界不甚相遠獨西南隅異如黔中
則多陰多雨滇中則乍雨乍日粵中則乍暖乍寒滇中
則不寒不暖黔中之陰雨以地在萬山之中山川出雲
故晴霽時少語云天無三日晴地無三里平也粵中之
乍暖乍寒以土薄水淺陽氣盡洩故頃時晴雨疊更表
葛兩用兼之林木蒼蔚虺蛇噬吸烟霧縱橫中之者謂
之瘴瘴宜也獨滇中風氣思之不得其故夏不甚熱冬
不甚寒日則單夾夜則泉絮四時一也夏日不甚長冬
日亦不甚短余以刻漏按之與歷書與中州各差刻餘
又鎮日咸西南風別不起東北冬春風刮地揚塵與

江北同即二三百里內地之寒熱與穀種之先後懸絕
星淵地多海子似天造地設以潤極高之地亘古不潰
不涸猶人之首上脉絡也李月山謂其地去崑崙伊迤
勢極高而寒以近南故寒燠半之以極高故日出沒常
受光先而入夜遲也未知然否河汝在江北而暑月之
熱反過吳越蓋夏至日行天頂嵩高之上正對河汝而
吳越稍偏也長沙乃衛岳之麓洞庭鄂渚上流而古稱
卑濕蓋其地咸黃土粘膩不漏故濕氣凝聚謂卑而濕
者臆解耳附龍江客問客有問余廣右俗冷熱不以寒暑
而以晴雨即土人亦不得其說但知此中陽氣太洩故

多熱而已而不知其所以然請以土薄水淺之云而申
繹之余曰此無他特以地氣有厚薄疎密之故也廣右
地脉疎理疏則陽氣易於透露發洩故自昔稱炎方一
至天晴日出則地氣上蒸如坐甑中故雖隆冬亦無異
于春夏之日然其地居萬山中山皆拔起純是岩石無
寸土之附石氣本寒今走廣右諸洞深入里餘雖六月
披裘亦戰慄不自持氣寒故也一至天欲雨則石山輸
雲嵐烟岫霧踵趾相失咸挾石氣而升幽寒逼人故雖
盛暑亦無異於隆冬之時及夫雲收雨止日出氣蒸乍
熱乍寒無冬無暑皆以是故或謂南中同此土也廣右

居交廣之內煖氣反發洩過于彼土者何蓋他處山少而廣右純山少者地土相兼脉理本密兼以地皆種植尺寸不遺地氣上升多宣洩于五穀又糞壅澆溉地面肥饒故密而地氣不甚洩廣右地氣盡拔為石山則餘土皆虛業已無石而疎理又滿眼荒蕪百里無人烟十里無稼穡土面不肥穀氣不分地氣無所發洩安得不隨日上升而散中于人之肌膚也以是知寒暑之故半出於天半出于地風光日色之寒暑出于天者也氣候之寒暑出于地者也地薄而理疎則氣升而多暑地厚而理密則氣斂而多寒非專為方隅南北之故也向

讀異域志見陰山沙漠之北萬餘里有其地四時皆春草木不凋者嘗疑其無有極北愈寒安得為是說也乃今意誠有之正為地各有厚薄疎密其果不全係于天與南北方隅之故與若謂寒暑盡出于天則今高山峻嶺之上漸近于天漸遠于地宜其多暑而無寒矣何故山愈高而愈寒豈非土石厚而地氣隔故寒多亦其一驗

舊祠而知之但今水停滯不入南海中原之水惟黃河
來最遠攷禹貢註及諸儒說黃河一自于聞國葱嶺一
自西吐蕃之崑崙山發源合流二萬一千三百餘里東
北與積石河合屬漢金城郡西南羌中而至龍門河渠
志一統志皆云出今西番朶甘衛西直四川馬湖蠻部
正西三千餘里去雲南巖江西北一千五百里有水從
地湧出洑方七八十里高瞰之若星列俗傳為星宿海
尋滙為二大澤復瀦曰哈刺海東出曰赤賓河合忽蘭
也里木二河東北流經崑崙山之南為九渡河水清騎
可陟貫山中行西戎都會為細黃河水流已濁繞崑崙

山之南折而東流合乞里馬出河復繞崑崙山之北自貴
德西寧之境至積石經河州屬陝西合洮河東北流至蘭

州始入中國又東北出沙漠經三受降城東勝諸州又
折而東南入冀州境今西凡九千餘里乃元學士蒲察萬

實所窮歷而得之大學衍義補亦據此當以志為定禹
治水時河從積石東北而南計三千里至龍門為西河
冀州呂梁山石勢崇竦其流激震禹從呂梁北鑿龍門

以殺水勢西因其迴流之性而導之又南而至華陰在陝

之華陰縣自南而東至底柱在河南陝州又東經孟津河南府

過洛汭縣至于大伾大名府濟縣北過泮水真定冀州

至于大陸屬中山郡今真定北分其勢播分為九河復

同聚一處為逆河蓋迎之以入于海簡潔一水先儒誤

分為二其一則河之經流也徒駭等河故道皆在河間

滄州南皮東光慶雲獻縣山東平原海豐由寧津吳橋

南皮諸處直達東海周定王五年河徙矜礫始失故道

漢文帝時決酸枣東潰金隄在河南延津滎陽諸縣至

武帝時溢平原屬德徙頓邱今清又決濮陽瓠子口開

界注鉅野屬濟寧州通淮泗尚未入淮元帝時決館

陶舊屬大名又決清河靈鳴犢口今高唐州成帝時

決東郡金堤決平原溢渤海清河高唐州信都今冀唐

元宗時決博州今東溢魏州今大冀州五代時決鄆州

今鄆博之揚劉今東平之東滑之魚池宋太祖時決東

平之竹村開封之陽武大名之靈河澶淵太宗時決温

縣滎澤頓邱泛於澶濮曹濟諸州東南流至彭城界今

徐入于淮自此河入真定時決鄆州及武州尋溢滑澶

濮曹鄆諸州邑浮于徐濟而東入淮仁宗時決開州館

陶神宗時決冀州東強大名州邑一合南清河以入淮

一合北清河以入海南渡後河上流諸郡為金所據金

獨受河患其亡也始自開封北衛州決而入渦河南直

亳蒙城懷遠元時決衛輝之新鄉開封之陽武杞縣之蒲

口滎澤之塔海莊歸德封邱諸界其臣建議疎塞若今
會通河乃世祖所開以通漕運隨時救敝而已當時九
河逆河故道久已淪入于海滄州接平州程子以為正
南山有名碣石者在海中去岸五百里今平原有馬頰
河形在沙渠其迹尚可攷大伾之北不行矣我朝洪武
中決陽武之黑陽山東經開封南至頓邱潁州潁上東
至壽州正陽鎮全入于淮故道復淤永樂中疏濬稍引
支流自金龍口入臨清會通河正統間又決滎陽天順
間決祥符宏治間分流為二一自祥符經歸德至徐邳
入淮一自金龍口黃陵岡經曹濮達張秋鎮入海尋命

重臣治築黃陵岡等口以塞張秋乃疏為二流一鑿蒙
孫家渡至朱仙鎮經扶溝通許壽潁諸州邑合渦河至
于鳳陽亳州達淮一疏賈魯舊河由曹州出徐沛以通
運河合淮俱入于海正德間決曹縣者再嘉靖間河歲
為兗患屢遣重臣治未底績濫溢于金鄉魚臺出沛縣
之飛雲橋南下徐邳十三年復塞由新開趙皮寨口順
流合渦河入淮故道今始復矣雍州之水自西近塞內
玉關門至蘭州北東至華陰皆黃河繞帶又有弱渭注
汭漆沮濃諸水弱水出吐谷渾界窮石山自張掖郡刪
丹縣西至合黎山與張掖河合餘波入于流沙注出平

澤

涼府岍頭山經西安府汾州涇陽至馮翊陽陵今高陵縣
 入渭出渭源縣烏鼠山西北谷流入咸陽南至華陰
 入河汭出隴州弦蒲菽入涇漆出扶風古漆縣北經同
 官至耀州南合沮自方州昇平縣北子干嶺延安府宜君縣
 出富平縣合漆澧出扶風鄠縣終南山亦東至咸陽俱
 合渭同入於河冀州之水黃河自陝西西北來經古蒲
 汾平之間又有汾衡漳恒衛沁諸水蔡傳以汾出山西
 太原靜樂縣太岳岍霍至平陽府靈石縣東入河漳水
 二一出上黨之沾縣大甬谷太原府樂平縣名為清漳一出上
 黨之長子縣發鳩山屬潞州今改潞安府名為濁漳即衡水俱東北流

至河間阜城東光縣入海恒水出真定之曲陽縣東入滏水至保定
 之高陽縣入易水晁氏以西南流至真定行唐縣東流
 入滌水南流入衡水衡出真定靈壽縣東至滹沱河恒
 水在陝西者出吐谷渾界入臨洮因名洮水入于黃河
 在真定者出衛輝府輝縣滏水出渾源州恒山南流入
 真定之定州至保定高陽合易水易出代州經保定之
 易州安州至高陽下與曹徐滋沙諸河合至雄縣南為
 瓦濟河迺直沽入海滌則出大同府之靈邱縣迴山徑
 真保之行唐無極深澤諸縣東南流滹沱河出鴈門代
 州東流從真定至東鹿深州青縣合輝縣之衛河俱入

于海北京之水曰玉河出玉泉山經大內出都城注大
 通河至白河與盧溝河合盧溝河出大同府桑乾經太
 行山入今順天宛平縣界出盧溝橋東南至省丹口分
 兩流一至通州入白河一經固安武清縣至直沽與衛
 河合分南北入海白河出密雲流入通州與盧溝河沿
 河合潞河自塞外丹花嶺分流合螺山鮑邱諸水為東
 西二河俱合流入海沁水發太行山東北經輝縣合衛
 河入運又東南流下徐呂二洪合黃河入淮豫州之水
 黃河自山西蒲州平陸入境經河南之閩鄉靈寶陝澠
 池新安濟源孟津孟鞏温汜水武涉河陰原武滎澤陽

武中牟祥符尉氏陳留通許杞太康睢寧歸德諸州縣
 至南直隸鳳陽亳縣合馬腸河城西北合渦河其支流
 有四大槩交錯於祥符尉氏扶溝商水項城通許太康
 與南直隸壽州朱仙鎮之間或溢兗州出沛或合渦河
 入淮又有伊洛瀍澗滎波孟潴濟衛淮諸水伊出盧氏
 縣東南書傳以出熊耳此山在盧氏之西南恐誤入于洛出陝西冢嶺山
 亦經洛陽縣瀍出洛陽穀城山澗出澗池白石山經新
 安縣皆會于洛合流至鞏縣入河濟即沆水出懷慶府
 濟源縣王屋山二源分東西歷虢公臺至温縣入河流
 復出其南溢而為滎即滎東出于陶邱之北在館陶縣又東

至于荷地在冷曹州地已涸東北會于汶即冷汶又北東入于海
 波為洛水別流孟豬在虞城西北濟之別流衛出河南
 衛輝府輝縣從大名之內黃濬縣出與潯沱淇漳諸水
 合臨清之會通河北流至直沽淮出唐縣東南經桐柏
 山潛流三十里復東出經汝信東流會沂泗俱入海兗
 州之水其地最下今曹魚為黃河下流又有濟漯濶雷
 夏灘沮汶泗淄濰濟出河南濟源漯出濟南之長山縣
 長白山西北流經章邱新城諸界濶出歷城縣入濟雷
 夏澤在濮州雷澤縣濰沮二水之別流自陳留浚儀陰
 溝至蒙為濰東入于泗出兗州之泗水縣陪尾山經

曲阜至濟寧分流南入徐州北入會通河又出鉅野受
 沛水下流于睢即沮水汶有三源至泰安州靜封鎮合
 而為一經寧陽平陰汶上又西至東平州注于濟經東
 阿濟寧入會通河淄水出今青州萊蕪縣原山連臨淄
 東至壽光濰水出瑯邪郡今諸城縣經高密昌邑濰縣東北
 俱入海荊州之水其澤藪曰雲夢跨江南北八百里又
 有江漢川九江沱潛江水發源于梁州四川之岷山青
 城諸山之陽出今茂州汶川縣東別為沱經叙瀘重夔
 入瞿峽過巫山出湖廣夷陵州荊州至于東陵岳州府巴陵縣
 合洞庭通漢陽府合漢水至黃州江西九江府合彭蠡

鄱陽經安慶池州太平應天諸府儀真通州入海漢出
 陝西漢中岵冢山之下始為氏道縣東源漢東至武都
 為漢過武東當今武中州為滄浪之水過三澨即郢州今
 至於大別山嶺漢入江漢經黃州九江合鄱湖諸水同
 趨入海九江孔氏以為潯陽非是沅辰漸元叙酉澧資
 湘九水是為九江皆合於洞庭過巴陵合川水入武川
 合漢水東南下入揚子江衝北岸甚急與江水俱入于
 海揚州之水北至于淮東南至于海東合江西江東諸
 水經豫章之南贛汀吉合衡永長沙別派入袁州出臨
 江合贛水入洪都合瑞洪所聚饒撫信南康諸水于鄱

昌

陽今江西九江府蓋名其入口處與前江漢諸水同趨
 建康今南蓋諸方水道所湊東南合蘇松常三郡水匯
 而為震澤在吳具南又吐納宣歙金壇宜興洮馮湖同
 百瀆西來眾水溢為三江吳江界于吳淞江震澤兩下
 之間去吳松江七十里分東北流者為婁江東南流者
 為東江其常之靖江則接建康之水入海北為江南通
 泰至海門縣而入海所謂江漢朝宗者也禹時江淮未
 通賦沿于海至吳夫差與晉會盟黃池始開蘇之邗溝
 今為運河自常之孟瀆鎮之京口以通于江、自揚之
 儀真亦開溝以通于淮隋因廣之今貢賦皆自江淮以

達于京師也二廣古百粵漢交州郡廣西之水一曰灘
江源出海陽山南流五里與永州湘水北分為二故曰
灘又名桂江合癸水至桂林城下合相思江入昭潭今
平樂府會平富樂荔臨賀諸水至梧州為府一曰左
江又名藤江發源交趾至古邕州今思明府經容縣合
容江經藤縣合繡江經南寧之合江鎮與右江合入橫
州又名鬱江一曰右江又名黔江源出雲南廣南府之
富州西洋江入廣西田州經象州今柳合柳江至南寧
府之合江鎮與左江合二江合入潯州大藤峽出為潯
江貴州古羅施鬼國其水曰盤江源出四川烏撒府普

暢寨東經古夜郎地又為黔中隸牂牁郡今普東北
下流入安南衛經廣西泗城州入慶遠府烏泥江下合
柳江即為右江以上三江分合為二入梧州大江即漢
武使馳義侯發夜郎兵下牂牁是也西經流廣東封川
德慶合肇慶之端溪江又名西江至番禺流入于南海
廣東省之東南皆大海其水一出惠州博羅縣西流者
為東江一出江西大庾嶺即梅嶺者為潯水漢武時楊
僕為樓船將軍擊南越出豫章下潯水是也至韶之英
德為偵陽峽一出湖廣郴州經武岡南入南雄之樂昌
為武水又南為偵水合而為曲江過三水縣與西江合

即漢謂牂牁江也皆合至南海縣入于海雲南古西南夷焚鳩地其水曰滇池周五百餘里出澱江嵩明盤龍等江九十九泉源廣末狹若倒流者故云滇漢武欲伐滇國於長安穿昆明池象滇以習水戰故亦以為昆明誤也大理之葉榆河即西洱海及瀾滄諸江其流不出本省惟廣南西洋江則由廣西經右江入于海其四海之水北海極遠不可窮東北至于朝鮮東至于登萊東南至于閩浙島夷日本琉球南至交廣瓊厓又南至于安南占城真臘等夷國而西南至于交趾云
揚升菴集子產相楚子享之賦吉日王以田江南之

夢注楚之雲夢跨江南北地故有南夢有北夢五代孫光憲號北夢本此浯水有南浯北浯北浯在琅邪靈門南浯在九疑零陵冀州之浸曰潞有東潞西潞東潞今之張家灣潞河驛西潞山西之上黨也東陽今之金華西陽今之黃州山海經注東甌今之永嘉在岐海中西甌即閩越今之建安亦在岐海中山有東吳西吳西鎮吳山在龍水有東漢西漢蜀有上雒下雒上雒新都庸有上庸下庸上庸金州下庸夔州

鎮遠府一貴州一貴州一廣西府

永平府一雲南永昌北直縣

興化府一南直揚州府

西安府一陝西州府

保定府一北直順天府

德安府一江西九江府

順德府一廣東廣州府

臨安府一浙江杭州府

建寧府一福建邵武府

建昌府一江西西南康府

武定府一山東濟南府

歸德府一廣西鎮安府

南康府一江西南安府

平陽府一浙江溫州府

南寧府一雲南曲靖府

思恩府一廣西慶遠府

鎮安府一陝西西安府

嘉興府一浙江屬

長沙府一湖廣屬

金華府一浙江屬

郡國利病書 卷一 北直

邵武縣府 一 一 即福建

漢陽縣府 一 一 即湖廣

大同縣府 一 一 即山西

南昌縣府 一 一 即江西

寧國縣府 一 一 即南直

楚雄縣府 一 一 即雲南

思明州府 一 一 即廣西

平樂縣府 一 一 即廣西

武昌縣府 一 一 即湖廣

南陽縣府 一 一 即河南

河間縣府 一 一 即北直

大名縣府 一 一 即北直

廣平縣府 一 一 即北直

太原縣府 一 一 即山西

成都縣府 一 一 即四川

襄陽縣府 一 一 即湖廣

遵義縣府 一 一 即四川

鳳陽縣府 一 一 即南直

真定縣府 一 一 即北直

銅仁縣府 一 一 即貴州

鳳翔府 一 陝西 即屬西

平涼府 一 陝西 即屬西

州名同縣者

新寧府 一 廣西南寧府 縣三四州夔州

永安府 一 廣西平樂府 縣二福建延平

興安府 一 陝西漢中府 廣西桂林府

新吳縣 一 廣東肇慶府

寧海縣 一 山東登州府

威遠州 一 四川嘉定州

保安州 一 陝西延安府

安平縣 一 廣西太平府

桂陽縣 一 湖廣郴州府

嘉定縣 一 四川馬湖府

永康縣 一 廣西太平府

興國縣 一 湖廣武昌府

新化縣 一 雲南臨安府

開陽府 二 北直大名府 貴州貴州

巴縣 一 四川重慶府

祁州 一 北直保定府

涇州 一 陝西平涼府

北直

元

萬州 一 廣東瓊州府

安州 一 北直保定府

威州 一 四川成都府

蒲州 一 山西平陽府

絳州 一 山西平陽府

曹州 一 山東兗州府

州名同者

寧州 三 江西南昌府 陝西慶陽府

通州 二 北直順天府

趙州 二 北直真定府

忠州 二 四川重慶府

縣名同者

新城 四 北直保定府 浙江杭州府

新安 三 北直保定府 河南河

東安 三 北直順天府 廣東羅

安化 三 湖廣長沙府 陝西慶

龍泉 三 浙江衢州府 江西吉

定遠 三 南直鳳陽府 雲南楚

長寧 三 江西贛州府 廣東惠

具寧二 湖廣郴州府 廣東

咸寧二 湖廣武昌府 陝西西安府

寧鄉二 湖廣長沙府 山西汾州府

寧遠二 湖廣永昌府 陝西

懷遠二 南直鳳陽府 廣西柳州府

安仁二 江西饒州府 湖廣衡州府

安定二 陝西鞏昌府 陝西延安府

樂安二 江西撫州府 山東青州府

樂平二 山西太原府 江西饒州府

長樂二 福建福州府 廣東惠州府

歸化二 福建河州府 雲南雲南府

德化二 江西九江府 福建泉州府

昌化二 浙江杭州府 廣東瓊州府

廣昌二 江西建昌府 山西大同府

新昌二 浙江紹興府 江西瑞州府

永昌^福二 福建福州府 廣西桂林府

永豐二 江西吉安府 江西廣信府

海豐二 山東濟南府 廣東惠州府

山陰二 浙江紹興府 山西大同府

山陽二 南直淮安府 陝西西安府

郡國利病書 卷一 北直

清河二北直廣平府

清平二山東東昌府

鎮平二河南南陽府

大寧二山西平陽府

太和二南直鳳陽府

華亭二南直松江府

石城二江西贛州府

石泉二陝西漢中府

東鄉二江西撫州府

唐二北直保定府

南直廣平府

山東東昌府

河南南陽府

山西平陽府

南直鳳陽府

南直松江府

江西贛州府

陝西漢中府

江西撫州府

北直保定府

桃源二南直淮安府

三水二廣東廣州府

建德二南直池州府

會同二湖廣靖州府

上林二廣西柳州府

衛名同者

藩陽六左右二衛在東京中衛在遼東中屯衛在河間府右衛在和州中護衛在山西潞

安府

永寧三一在延慶州永寧縣一在福建泉州府

安東三一在山東登州府一文登縣一在陝西平涼府

蔚州二州一在山左西衛大府同蔚

鎮海二一在福建漳州府太倉浦縣

永昌二一在陝西永昌府

寧遠二一在湖廣永州府道州

衛名同千戶所者

通州在順天府一新軍所一左在揚州府通州

定海所衛一在福建福州府連江縣

靖海所衛一在廣東潮州府惠來縣

平海所衛一在福建惠州府

海寧所衛一在浙江杭州府海寧縣

海門一衛一在廣東潮州府潮陽縣

海州一衛一在遼東都司海州

永平一衛一在永平府前永平府永平縣

歸德所衛一在河南歸德府

廣寧司衛一在廣寧府廣寧縣

建昌所衛一在江西建昌府

新安一衛一在安徽臨安府

武平一衛一在福建汀州府武平縣

金山一衛一在松江府

興化一衛一在揚州府興化縣

吳武衛所一在隸陝西吳武營千

安南衛所一隸貴州都司

靈山衛所一在廣東廉州府靈山縣

所名同者

安福二縣一在江西吉安府安福

海安二一在廣東雷州府徐聞縣

永安二縣一在福建延平府永安

廣安二一在四川順慶府廣安州

衛名與府州縣同而非其地者

武功左右中三衛親軍府有武功縣

永清左右衛親軍府有永清縣順天府

濟陽衛親軍府有濟陽縣

大興左衛親軍府有大興縣

彭城衛親軍府有彭城縣徐州

大寧中前二衛在西有大寧城

鎮南衛在雄府有鎮南州

大同中屯衛在西有大同府

建陽衛在太平府有建陽縣

金鄉衛在兗州府有金鄉縣

廣南衛在雲南省有廣南府

永定衛 在湖廣岳州府永定縣

威遠衛 在山西大同府有威遠縣

清平衛 隸貴州都司並有清平縣

西寧衛 隸陝西行都司西寧縣

所名與府州縣同而非其地者

鎮安 在雲南永昌府有鎮安縣

長寧 在湖廣荊州府有長寧衛

大田 隸湖廣施州府有田縣

大城 在廣東潮州府有城縣

萬安 在福建福州府有萬安縣

寧津 在山東登州府有寧津縣

海陽 在廣東潮州府有海陽縣

寧化 在福建汀州府有寧化縣

劉侗有言曰建都於燕北宅南嚮威外福中玉食航輦
盖用西北之勁以制東南之饒亦用東南之饒以養西
北之勁饒勁各異勢長在我又曰中宅天下不若虎眠
天下虎眠天下不若挈天下為瓶而身抵其口故洛不
如閔也閔又不如薊也盖守洛必以天下守閔必以閔
守天下必以薊斯誠諳於形勢之大較者歟間嘗東抵
榆關西臨雁塞南游河洛王屋之間北眺宣雲大漠之
塹瞭然于帝京形勢之雄以壯也太行崛起函谷西南
以趨東北螳螂逶迤倏閃騰蹕如屏擁如襟抱二千里
而大蒼於碣石形家以為畫龍占者以為王氣故千峯

奔會群插趾于蓬瀛萬派淵渟共息肩于鰲柱洵所謂
斗拱天心帶環地脉者乎獨餘 陽一面撫 周原昀
昀禹甸受梯航來玉帛勢誠敬焉乃有黃流在中九折
而歷雍豫萬里以迄東南曲 流曲 抱當其由豫而
魯由魯而齊由齊而海也收太行之左氣攬恒嶽之全
龍既周且密加以衛漳遠于魏北滹沱界于趙中拒馬
桑乾滌漾於燕南恣滙天津合襟入海左有輔右有弼
背有倚面有朝宏龐完固不更彰 耶朱紫陽曰天下
好風水第一在冀州豈其然乎即以形勢論由燕而達
四國者行 皆周道由四國而適燕者在 皆要津履

道坦、將軍不用從天維石巖、井陘誰能列騎踞上
游而制人限天塹而守我文德可來武功可競並信劉
侗之說非揣摩也

周宏祖燕京論

燕京辰山帶海有金湯之固真定以北至于永平関口
不下百十而居庸紫金山海喜峰古北黃花險阨尤著
故薊州保定重兵屯焉自山後諸州棄以與敵則居庸
之外即宣府為藩鎮廣平以南水陸畢會于臨清而天
津又海運通衢也其防禦之勢山西行都司當其衝萬
全都司護其背大寧都司藏其備薊州守備斷其徑萬
全都司一衛一所嵌山西行都司之境以為瞭遠之兵大
寧都司五衛一所嵌薊州守備之境以為夾持之法
秦漢備邊所急在西北上谷北平為緩我朝所急在

東北甘肅寧夏為緩秦漢急西北故秦塞起臨洮漢武
置朔方緩東北也 神京以遼東為左臂宣大為右臂
古北口永寧居庸為腦後遼東限以山海宣大隔之居
庸惟大寧淪失 天壽與異域為隣宣府與遼東隔絕
腦後之防蓋甚疎矣說者欲規復大寧此豈可易言哉
養威蓄銳觀釁俟時可也其他如遂城西北之牟山保
州西北之柏山保安之八角口定州之北岩與夫石臼
銀坊冶山等處皆臨制中原之道然山川形勢與京都
大是向背苟屯兵聚眾必死以守未易當也此外自安
順東至任邱二十里川塹洶瀆葦泉縱橫地類天牢又
東北至雄州三十里又東至霸州七十里又東抵海口
營田圩岸集水淤潯地類天陷又自順安至安肅約五
十里葦草叢茂地類天羅凡此皆兵家所忌遇滂更盛
未易進矣乃建康徐淮臨德之間似當練兵儲將可備
緩急遣發無徒藉手于北可也

Blank space with vertical lines for text.

勞堪京都形勢說

本朝之燕都也蓋與古不同稍難于周漢而大勝于東漢趙宋矣夫周漢建都西北地資建瓴之險人藉風氣之勁天下莫之競焉東漢宅雒已失全勢宋人捐燕雲則又無限胡之防故卒不能為守我朝都燕雖風氣之稟士馬之強不及周漢然據險防胡居外馭內其視周漢一也故自其常論之則京後為最急宣大次之遼東次之陝西又次之去京有遠近也夫京後為最急則大寧之內彼三衛之盤據不可不講也宣大次之則獨石之孤懸豐勝之淪沒不可不講也講大寧則

宣薊無阻隔而遼東之右臂伸請豐勝則山陝有交應而甘肅之左臂伸此立國之宏規保安之上畫也而永樂宣德之間但知兀良哈之誠款開平之艱遠豐勝之下口不立甘心棄土畧不顧惜得非往事之恨乎自其變論之則大寧不可復而京後之重垣宜設定遠不可合而花當朵顏之交摛宜防開平東勝已淪異域而宣大之士馬不可一日忘戰而成化宏治之間但知火篩之通貢山海之征商宣大之鑿塹築敵臺 京後之防一不措之籌策又非往事之恨乎夫始也藉開創之威東斥大寧西闢豐勝無難也繼也藉生養之富大垣

京後盛兵宣大無難也時日因循不以為意愉玩既久釁孽乃生敵犯太原則增忻代澤潞之兵而乘寧雁之塞敵犯洪蔚廣昌則城宣府之塞而弛東北之防夫阻太原之寇在力戰于大同偏頭之間恤洪蔚之擾當不忘乎潮河川黃花鎮之備增忻代澤潞之兵則度支急弛東北之防則畿輔震近年之經營得微亦有過乎嗟夫白刃在前不顧流矢敵既目宣大矣垣宣大可也明哲所燭防患未然因垣宣大而併垣 京後亦可也積薪必燃防川必決以宣大為餌而先垣京後亦可也悉力宣大置 京後不請則所謂輕重緩急之間失權多

君國和病書 卷二
矣於戲往有恨無能追也近有過亦幸無大夫也今宣
大之垣役告而陰水之荼毒極慘慄矣大城 京後以
奠金湯宣大以戰而為守京後以守而為戰宣大遇秋
則乘塞餘時有人與之戰 京後有警則乘塞餘時分
為畚休以習禁軍之勞逸斯皆所謂即體酌用備形勢
之道也

漢之邊在北長安去朔方千餘里唐之邊在西去吐蕃
亦幾千里今京師北抵居庸東抵古北口西南抵紫荆
關近者百里遠不過三百里居庸則吾之背也紫荆則
吾之喉也卒有急則搯吾之喉而拊吾之背

燕之山石塊壘危峰雄特水冽土厚風高氣寒其草木
皆強幹而豐本蟲鳥之化亦勁踵翫毳而瞿然迅飛
也以故圓槩之粹蒸為賢豪上之人文雅沉鷲而不狃
于俗感時撫事則悲歌慷慨之念生焉其猶燕丹遺烈
哉以至閭巷傭販之夫亦莫不堅悍不屈矻然以急人
為務無關葺咎窳之習此其善也然而風會之趨人情

君國和病書 卷二
之化始未嘗不樸茂而後漸以漓其流益甚馬大都薄
骨肉而重交游厭老成而尚輕銳以宴游為佳致以飲
博為本業家無担石而飲食服御擬于巨室囊若懸磬
而典妻鬻子以佞佛進香甚則遺骸未收即樹幡疊鼓
崇朝雲集德化陵遲民風不競此詎可令賈太傅見也
馬政先輩謂馬政賦之于民不若買之于邊買之于邊
不若養之于官我 祖宗參用三法至善也然而牧
地有廣狹而民病餉養有厚薄而馬病民困于牧芻馬
疲于顧賃而人馬俱病此寄養之馬竟孳息之不加而
冀北之群皆款段之不若也

順義志馬政 按正統十四年八月 上北狩十一月
虜退十二月令順天府所屬州縣寄養各處起解馬匹
計糧分俵此吾縣養馬之始原係 京師倉卒警報耳
事寧之後馬不復散宏治壬子題准十年審編一次嘉
靖丙戌改審五年大略地一項養馬一匹甚為民累乙
丑顧御史廷對題請每匹派地二頃合縣原額一千九
百二十三匹隆慶間并為一千八匹民猶不支多乘夜
繫馬于縣坊而逃萬曆庚辰馮侯夢元減定馬數六百
七十二匹十三年崔侯淳比宝坻三河事例乞行減數
蒙本道于屯院周 題請減去一百七十六戶每馬一

匹湊折金地四頃九十畝零歲貼草料銀六兩額編四百九十六戶

昌平州志嘉靖四十二年順天府尹高平王公國光因編審目擊時弊考之會典參之部牒較郡邑繁簡難易復詢民情之苦樂更定賦役書冊減去橫徵糧三千餘金省冗役六千餘兩

涿州志燕地高寒土宜桑棗桑之葉大于齊魯棗實小而多肉甘于晉魏然絲之產不多而棗不流于他境者民情故也宏治四年知州張遜承巡撫秦公令取官田之沃行者遂築四圃課桑甚棗核若干斛俾善于種藝

者培壅灌溉歲得桑棗數萬本令民及時移植私田久之漸有成效

大學衍義補

臣按自古建都者皆于四近之地立為輔郡所以為
京師屏翰也漢以京兆左馮翊右扶風為三輔唐亦以
華州同州鳳翔為輔而宋初未遑建立至于徽宗時亦
于畿郡立為四輔馬每輔則屯兵二萬人為額我朝
建國江南于鳳陽屯重兵凡京師軍皆散于江北滁
和等處為屯田雖不名輔而儼有蕃屏之意太宗皇
帝自北平入正大統遂建都于此其初猶以行在為名
而立一行部以總之其後徧立六部五府大小衙門如
舊制凡京衛之兵皆分其半以來并起江南富民以實

之而去其行在之名則是萬年不拔之基永定于此矣然而畿輔向之間猶未有輔郡蓋有待也臣按漢唐宋之輔郡皆因郡治而立之建置則以形勝要害為固蓋漢唐都長安宋都汴梁皆去邊地遼遠非若我朝都燕則自以都城為北邊捍蔽北最近而東次之南又次之而南為最遠焉請如漢唐宋故事立為輔郡以宣府為北輔因見旧而加以番守之軍俾守國之北門其東也以永平為輔以守松亭一帶關隘及扼遼左要害其西也以易州為輔或真定以守紫荆一帶關隘其南則以臨清為輔坐鎮滹河而扼扼河南山東之衝又

自此而南屯兵于徐州以通兩京之咽喉每處屯重兵一二萬量其輕重緩急以多寡其數罷兩直隸河南山東上京操備班軍因近屯守以為一京師之屏蔽遇京師有事則調發焉夫自古為國者必固內以蔽外居重以馭輕譬則人之家居必有藩籬牆壁然後室堅固內呼而外應昔設開掖然有所動于中而四面之機畢應之然後盜之利吾財者不敢輕侵犯焉近年以來起調兩直隸河南山東軍赴京上班操備半年一替方其新班既起而旧班未回城池雖設而隊伍空缺者有之幸而無事則已萬一有不逞之徒乘虛為亂將何以

支持之倘立為輔郡因近屯守則軍士遂室家之願而
生息日蕃國家省轉輸之勞而調發易集邊方足備禦
之具而閑隘有守如此則都城鞏固 宗社真安矣萬
一臣言可採見之施行其于國計不為無補

自古國都于其近郊必有牧馬之所其間必積芻豆以
為飼餼之具方無事時資以牧育固為近便然世道不
能常泰而意外之變不可不先為之慮金人犯宋京奸
人導之屯兵于其近郊之牟駝岡藉其芻豆飼其馬以
為久駐之計此往事之明鑒也矧今 國都去邊伊迩
已已之變倉卒用言者計焚棄芻豆何啻千萬當時見

者莫不悔惜然事已即休無復有以為言者竊惟都城
東北鄭村壩二十四馬房其倉場所儲積者如京如坻
請于無事之時即其地築為一城以圍護其積聚及移
附近倉場成聚其中就將騰驤等四衛官署軍營設于
其中特勅武臣一員于此守鎮仍司群牧四衛官軍不
妨照舊輪班內直下直回城屯住是亦先事而備之一
策也

范守已燕譚

輟耕錄云元初有望氣者言其地某山有天子氣金主謂元主曰請以某山歸我元主許之金乃發卒十餘萬一夕鑿其山輦致于燕置于北郭外及元得燕京改築城郭其山遂在大內後于山上建蓬萊仁智諸殿為遊觀之所據此則今禁中萬歲山是也在金為郭外地則金之城邑當在今都城南矣乃北安門內有蕭太后樓考其地又在山西北豈遼之都邑在金城北耶不知置山石時有此樓否有則不應棄于野外若先無而後構則非遼氏故物矣曰蕭太后樓妄也

上谷郡圖經曰黃金臺在易水東南十八里昭王置千金其上以延天下士梁任昉曰臺在幽州燕王故城中土人呼為賢士臺亦為招賢臺按史記昭王為隗改築宮師事之新序亦言築宮不云築臺至後漢孔融始言昭王築臺以延隗不知何據然亦不言金臺也酈道元水經注云固安縣有黃金臺言金言臺不言在燕王城中今都城東南十有六里有黃金臺後人偽為爾

都穆遊西山記曰甕山之陽有元耶律楚材墓其西數百步有玉泉山金章宗嘗建行宮今廢山北麓鑿石為螭頭出泉瀦為池所謂玉泉東流入湖經大內注都城

東南入大通河按金史宛平縣有玉泉山行宮玉泉之名其來久矣

李西涯云西湖方十餘里有山岵其涯曰甕山其寺曰圓靜又三里為功德寺其南路盡乃有玉泉散為溪池池上有亭宣廟巡幸駐蹕處又一里為華嚴寺又二十里為香山樓宇臺殿與石高下其絕頂勝甕山其泉勝玉泉按金李晏有碑云西山蒼々上干雲霄重岡疊翠來朝皇闕中有古道場曰香山上有一大石狀如香爐蝦蟆有泉自山腹下注溪谷亦號小清溪是香山之勝亦非一日矣

君國和書
卷二
盧溝或謂為盧溝即盧龍之水按水經注濕水東逕下
洛縣故城南又東左得于延水又東過涿鹿縣北南至
馬陞山謂之落馬河又南入山瀑布飛梁縣河注壑滿
湍十丈許謂之落馬洪自南出山謂之清泉河又東南
迳良鄉縣之北界歷梁山南高粱水出焉又東過廣陽
薊縣南又東與洗馬溝水合又東南高粱之水注焉又
東至漁陽雍奴縣入于笥溝魏氏土地記曰清泉河上
承乾桑河東流與潞河合考之水經濕水與桑乾異源
同流又會如渾水合為一河逾山而東別名清泉河是
蘆溝之本名也其稱蘆溝者以至宛平縣境內從葫蘆

溝東南入潞故爾

昌平志云高粱河自并州黃河之別源東迳州治沙澗
又東南迳高粱店入都城海子按水經注高粱水出薊
城西北平地泉東注迳燕王陵北又東迳薊城北又東
南流入濕水魏氏土地記曰薊東一十里有高粱之水
是高粱水不出并州也况可云黃河之別源乎

詩韓奕云溥彼韓城燕師所完王錫韓侯其追其貊奄
受北國朱傳謂為陝西韓城縣水經注云聖水東過良
鄉縣南又東過長鄉縣北又東迳長興城南又東迳方
城縣故城又東南迳韓城東詩所謂溥彼韓城者也王

肅曰今涿郡方縣城有韓城世謂寒號非也現此則非
陝西之韓城矣水經注又云濕水迳良鄉縣之北界歷
梁山南梁高水出焉是涿郡亦有梁山也詩所謂奕々
梁山正指此言之矣不然馮翊去燕二千餘里燕師曷
得遠離鄉土築城于彼邪必不爾耳

世言易州有涑水余每過保定北不知何為涑水及查
水經言巨馬水出代郡廣昌縣涑山注云即涑水也東
迳迺縣又東南迳容城縣北督亢洧水注之督亢洧受
涑水出涑谷東南迳迺北又東迳涿縣棲桑里南又東
迳督亢澤苞方城縣謂之督亢水又南謂之白洧水南

迳廣陽亭西又南入于巨馬水則今之白洧河其涑水
之枝流也涑水正流自涑谷西南出漸微不復成川至
迺縣北重源再發結為長潭謂之渠水亦名巨馬水又
東南迳范陽縣故城北易水注之易水出涿郡故安縣
西山寬中谷歷武夫關東出是兼武水之稱故燕之下
都擅名武陽矣又東迳故安城南謂之故安河又東過
范陽縣故城東與濡水合亂流入涑自是易水與諸水
互相通稱東迳容城縣故城北渾濤東注至平舒縣與
代之易水合代之易水出代郡廣昌縣東南即山東迳
西故安城又東南過武遂縣南新城縣北又東范陽陂

水入之范陽陂南通梁門淀東南流注易謂之范水易水自下有范水通目又東迳范陽縣故城南又東迳容城縣故城南王莽更名深澤矣又東迳渾渥城南東合澠水自下澠易通稱矣又東迳易縣南太子丹祖荆軻處又東至文安縣與雩池合是謂之南易至平舒縣與北易合東過東州縣東南入于海是涑水與二易水異源同委通名互稱矣今之流離河疑即北易而南易在新城縣北下迳深澤文安疑今之胡梁河也

穀山筆塵

唐都長安每有寇盜輒為出奔之舉恃有蜀也所以再奔再北而未至亡國亦幸有蜀也長安之地天府四塞辟如堂之有室蜀以膏沃之地處其閭闕辟如室之有奧風雨晦明有所依而蔽焉蓋自秦漢以來巴蜀為外府而唐卒賴以不亡斯其效矣今日燕京之形辟如負宸端拱坐于堂皇之上南面而臨天下形勝則甚偉矣然而勢有所不足者有堂而無室况奧窔之間耶

金虜節要曰燕山之地易州西北乃金坡関昌平縣之西乃居庸関順州之北乃古北口景州之東北乃松亭

閼平州之東乃榆關榆關之東即金人來路也此數閼皆天造地設以為華夷之限今皆在京師之背若負宸然可謂天險矣金坡閼即紫荆關榆關即山海松亭不知所在

三國時遼西烏桓以素尚兄弟入塞曹操將討之乃鑿二渠以通運一自滹沱入泃水謂之平虜渠一自洶口入潞河謂之泉州渠以通海運說文泃水出雁門後人戍夫山東北入海水經洶水出無終山西北流至平谷又南流入于潞河又東合泉州渠口曹操所築也渠東至樂安亭南與瀘水合入海按二水當時通漕以制

遼左所謂平虜渠者在今都城之南疑即滹沱入運處也惟泉州渠乃在京北而東入遼海不知定在何處若因其遺跡通之以饋平盧遼西亦一便也泉州故城在幽州雍奴

汪道昆輔兵議

自古畿輔之地必設重兵所謂強幹弱枝隆上都以觀萬國者也我國家京營之弊未易更張環顧三輔之間尺籍僅耳昌平北捍邊圉陵寢在焉世宗嘗命大將軍昌平旋以罪議罷顧畿內巡撫秋駐昌平載在壘書迄今未改昌平故隸霸州兵備道項復設專道治其兵隆慶初言官上言兵事請昌平團游兵三萬召兵部侍郎譚某總兵戚某專練之先帝嘉納其言召兩人者至屬增兵增餉議格不行尋以薊昌屬此兩人僅出中策幸而兩人者同心戮力完繕邊防比及數

年境外無犯其後輔臣建議增置兵部侍郎二人一守
昌平一守通州責以防敵誠知昌平地重宜必重為之
防得時而行蓋有待于今日耳迨者薊昌以保禦得策
宣大以貢市弭兵九邊晏然胡馬不敢南牧議者方
欲休兵捐餉以紓大農似也不佞過計竊以為不然我
國家用夏變夷自昔一以備邊為急以京師而視
薊昌宣大皆在肩背肘腋間則視九邊尤急矣頻年內
握勝算外藉壯敵財力畢殫卒鮮底績即其弊未可縷
指其大較有兩端畫地而守散援不通一弊也無所不
備無所不寡二弊也夫匈奴雖強不過中國一大縣計

彼

控絃十萬其餘復何能為通計九邊之閑士且什倍之
曾何負於敵願今督府相望鎮撫比隣朝廷分信地
而責成之使各保其境內然或聚敵數萬直趨一隅一
隅散戰之兵曾不足以當其什一所謂無所不寡是也
既分信地曾何患于其隣束手而坐視之不啻秦越之
始至既不能併力而扼其方張及其情歸又不能出奇
而乘其既敝所謂敵援不通是也甚或以鄰為壑賂敵
而禍嫁于鄰弊也久矣不佞之閱薊師也薊分十一路
將士各有分區使徒藉此以待敵來敵且乘之矣謀者
得敵方嚮則當敵者為主諸將悉自遠近赴之譬之常

常山之蛇首尾相應向敵犯大水峪少師楊公率諸部
邵之率用此也薊昌亡論矣宣大相距不數百里猶之
唇齒輔車借使敵犯宣府則宣府為主大同赴之敵犯
大同則大同為主宣府赴之通力合謀交相重矣敵果
數能得志乎其未耶由二鎮而觀之則四鎮可知已為
今之計請通四鎮之勢而懸衡其間設輔兵六萬軍昌
平左右顧以伺敵便四鎮之謀者皆能深入敵地畢得
敵情縱或大舉必先旬日知之自此勒兵長驅可一當
敵如敵犯薊則薊主兵守以待戰而輔兵赴戰以協守
如犯宣大亦然乃若因時制宜戰守互用悉在主將即

如

薊昌可戰之兵不啻八萬以輔兵六萬合之則十四萬
有奇即敵大舉而來而吾十萬之師足以制勝矣宣大
故有敢戰之兵自今部署而訓習之當不在薊昌下即
出 宣大亦得十四萬有奇以戰則勝以守則固事之
必至者也藉令分犯四鎮敵勢必輕各鎮全力足以應
之即分遣輔兵以為之援無不可者夫東西一舉十餘
萬眾豈直足以禦敵而已哉俟其聲勢既振部曲既明
技擊既精心力既一統之肩背臂指伸縮自如敵有不
庭因而討罪即東擣東敵西控西酋惟上所命耳我
國威德遠甚 成祖蓋先為之乃命復以堂正家

之師一收犁庭掃穴之績敵將辟易不暇寧復有他由是而放馬休兵以紓國計簡十萬以張禁旅減半額以戍各邊偃武修文萬世之利也用是謹條四事仍以二議足之然惟因兵為兵無甚高論方今君相一德文武一道中外一心此所謂千載一時難得而易失者矣不佞祇事行役竊自比于敵曝之忠皇々然誠惧失時要非好從事者也高明幸察

水利

元史、世祖至元三年十一月戊戌瀕御河立漕倉十九年十月由大都至中梁中梁至瓜州設南北兩漕運司二十六年五月辛丑御河溢入會通渠漂東昌民廬舍七月辛巳開安山渠成河渠官言開魏博之渠通江淮之運古所未有詔賜名會通河置提舉司職河渠事英宗至治三年二月己巳脩廣惠河揀十有九所泰定帝泰定二年閏月己巳修潯沱河堰四年正月丁卯浚會通河

御河自大名府路魏縣界經元城縣泉源鄉于村度南
北約十里東北流至包家渡下接館陶縣界三口御河
上從交河縣下入清池縣界又永濟河在清池縣西三
十里自南皮縣來入清池今呼為御河也至元三年七
月六日都水監言御河二千餘里漕公私物貨為利甚
大自兵興以來失于修治清州之南景州以北頽缺岸
口三十餘處淤塞河流十五里至癸巳年朝廷役夫四
千脩築濬滌乃復行舟今又三十餘年無官主領滄州
地分水面高于平地全藉隄堰防護其園圃之家掘隄
作井深至丈餘或二丈引水以溉蔬花復有瀕河人民

就隄取土漸至闕破走洩水勢不惟溢行舟妨運糧或
至漂民居沒禾稼其長蘆以北索家馬頭之南水內暗
藏椿橛破舟船壞糧物部議以濱河州縣佐貳之官兼
河防事于各地分巡視如有闕破即率衆脩治拔去椿
橛仍禁園圃之家毋穿隄作井栽樹取土都省准議七
年省臣言御河水泛武清縣役夫一千疏浚至大元年
六月二十九日左翼屯田萬戶府呈五月十八日申時
水決會川縣孫家口岸約二十餘步南流灌本管屯田
發軍民併工築塞十月大名縣濬州言七月十一日連
雨至十七日清石二河水溢李家道東南橫流詢社長

高良輩稱水源自衛輝路汲縣東北連本州淇門西舊
黑蕩洩溢流出岸漫黃河古隄東北流入本州齊賈泊
復入御河漂及民舍擬差官巡治延祐三年七月滄州
言清池縣民告往年景州吳縣諸處御河水溢衝決隄
岸萬千戶奴為恐傷淇屯田差軍築塞旧洩水即兒口
故水無所洩浸民廬及已熟田數萬頃乞遣官疏濬引
水入海及七月四日決吳橋縣柳斜口東岸三十餘步
千戶移僧又遣軍閉塞郎兒口水壅不得洩必致漂蕩
張管許河孟村三十餘村黍穀廬舍四年五月都水監
遣官與河間路官相視元塞郎兒口東西長二十五步

南北濶二十尺及隄南高一丈四尺北高二丈餘復按視郎兒口下流故河至滄州約三十餘里上下古蹟寬濶乃減水故道名曰盤河令為開闢郎兒口增濬故河決積水由滄州城北達滹沱河以入于海泰定元年九月二十八日興工十月二日工畢

滹河大德五年平滹路言六月九日霖雨至十五日夜滹河與淝如三河並溢衝圮城東西二處旧護城隄東西南三面城墻橫流入城滹郭外三閘瀕河及在城官民屋廬糧物沒田苗溺人畜死者甚衆而雨犹不至止二十四日夜滹漆淝如諸河水復漲入城餘屋漂蕩殆

盡乃委吏部馬負外同都水監官修之東西二隄計用工三十一萬一千五十泰定二年永平路屯田總官府言馬城東北五里許張家莊龍灣頭在昔有司差夫築隄以防溢水西南連清水河至公安橋皆本屯地分去歲霖雨水溢田苗終歲無收方今農隙若不預修必致為害工部移文都水監督令有司差夫補築

河間河在河間路界泰定三年三月都水監言河間路水患古儉河自北門外始依旧疏通至大城縣界以洩上源水勢引入鹽河古陳玉帶河自軍司口浚治至雄州歸信縣界以導淀滹積潦注之易河黃龍港自鎖井

口開鑿至文安縣玳瑁口以通灤水經火燒淀轉流入海計河宜疏者三十處總役三萬三十日可畢是月省臣奏准于旁近州縣發丁夫三萬先詣古陳玉帶河尋以歲旱民飢役與人勞罷後年登為之

治河在真定路平山縣西門外經井陘縣流來本縣東北十里入滹沱河元貞元年正月十八日丞相完澤等言往年先帝嘗命開真定治河已發丁夫人役適值先帝昇遐以聚眾罷之今請遵舊制俾卒其事從之皇慶元年七月二日真定路言龍花判官莊諸處壞隄計工物申請省委都水監委官相視會計修治總計治河始

自平山縣北關西龍神廟北獨石通長五千八百六步共役夫五千為工十八萬八百七十無風雨妨工三十六日可畢史詳

滹沱河源出西山在真定路真定縣南一里經藁城東北一里經平山縣北十里窠宇記載迳靈壽縣西南二十里此河連貫真定諸郡迳流去處皆曰滹沱水也延祐七年十一月真定路言真定縣城南滹沱河北決隄寢近城每歲脩築問其源本微與治河不相通後二水合其勢遂猛屢壞金大隄為患本路達魯花赤哈散於至元三十年言准引瀾治河自作一流滹沱河水退十

三四至大元年七月水漂南関百餘家淤塞冶河口其水復潯河自後歲有潰决之患泰定四年八月七日省臣奏真定路言潯沱河水連年泛溢為害其源自五臺諸山來至平山縣王母村山口下與平定州娘子廟石泉冶河合夏秋霖雨水漲淤漫城郭每年勞民築堤莫能除害宜自王子村辛安村鑿河長四里餘接魯家灣舊潤復開二百餘步合入冶河以分殺其勢從之史詳

定帝紀同

會通河起東昌路須城縣安山之西南由壽張西北至東昌又西北至于臨清以逾于御河至元二十六年壽

張縣尹韓仲暉太史院令史邊源相繼建言開河置牒引汶水達舟于御河以便公私漕販省遣漕副馬之貞與源等按視地勢高度工用于是圖上可開之狀詔出楮幣一百五十萬緡米四百石鹽五萬斤以為傭直備器用徵旁郡丁夫三萬驛遣浙事官忙速兒礼部尚書張孔孫兵部尚書李處巽等董其役首事于是年正月己亥起于須城安山之西南止于臨清之御河其長二百五十餘里中建埽三十有一度高低分遠迤以節蓄洩六月辛亥成凡役工二百五十一萬七百四十有八賜名曰會通河二十七年省以馬之貞言霖雨岸崩河

道淤淺宜加修濬奏撥放罷輸運站戶三千專供其役
 仍俾採伐木石等以充用是後歲委都水監官一員佩
 分監印率令史奏差濠寨官社賊巡視且督工易牌以
 石而視所損緩急為後先至泰定二年始克畢事會通
 鎮牌三土壩二在臨清縣北頭牌長一百尺濶八十尺
 兩直身各長四十尺兩雁翅各斜長三十尺高二尺牌
 空濶二丈中牌南至隘船牌三里長廣與上牌同隘船
 南至李海務牌一百五十二里牌空濶九尺長廣同上
 土壩二李海務牌南至周家店牌一十二里長廣與會
 通鎮牌同周家店牌南至七級牌一十二里長廣與上

同七級牌二北牌南至南牌三里長廣如周家店牌南
 牌南至阿城牌一十二里長廣同北牌阿城牌二北牌
 南至南牌三里長廣上同南牌南至荆門北牌一十里
 長廣上同荆門牌二北牌南至荆門南牌二里半長廣
 同南牌南至壽張牌六十三里長廣同北牌壽張牌南
 至安山牌八里安山牌南至開河牌八十五里開河牌
 南至濟州牌一百二十四里濟州牌三上牌南至中牌
 三里中牌南至下牌二里下牌南至趙村牌六里趙村
 牌南至石佛牌七里石佛牌南至辛店牌一十三里辛
 店牌南至師家店牌二十四里師家店牌南至東林牌

一十五里東林牌南至孟陽泊牌九十五里孟陽泊牌南至金溝牌北十里金溝牌南至隘船牌一十二里沽頭牌二北隘船牌南至下牌二里南牌南至徐州一百二十里三汉口牌入盭河南至土山牌一十八里土山牌南至三汉口牌二十五里入盭河兗州牌峒城牌延祐元年於沽頭置小石牌一止許行百五十料船禁約二百料之上船不許入河行運至治三年議于金溝沽頭兩牌中置隘牌二各濶一丈以限大船若欲于通惠會通河行運者止許一百五十料違者罪之仍沒其船其大都江南權勢紅頭花船一体不許來往准擬折移

沽頭隘牌置于金溝大牌之南仍作運環牌其間空地北作滾水石堰水漲即開大小三牌水落即鎖閉大牌止於隘牌通舟果有小料船及官用巨物許申稟上司權開大牌仍添金溝牌板積水以便行舟其沽頭截河土堰依例改脩石堰盡除旧有土堰三道金溝牌月河內新建滾水石堰長一百七十尺高一丈濶一丈沽頭牌月河內修截河堰長一百八十尺高一丈一尺底濶二丈上濶一丈

文宗紀至順三年七月乙亥命僧于鐵幡竿脩佛事郭守敬傳大德二年召守敬至上都議用鐵幡竿渠守敬

秦山水頻年暴下非大為渠堰廣五七十步不可執政
吝于工費以其言為過縮其廣三之一明年大雨山水
注下渠不能容漂沒人畜廬帳幾犯行殿成宗謂宰臣
曰郭太史神人也惜其言不用耳

世祖紀至元二十六年四月庚午沙河決發民築堤以
障之 七月癸卯沙河溢鐵燈杆堤決

王思誠傳起大中大夫河間路總管磁河水頻溢決鐵
燈杆鐵燈杆真定境也召其邑吏責而懲之遂集民丁
作隄晝夜督工暮月而塞復築夾隄于外亘十餘里命
瀕河民及弓手列置草舍于上擊木以防盜決是年命

獲耕藝歲用大稔乃募民運碎甃治郭外行道高五尺
廣倍之往來者無泥塗之病

劉德溫傳授通議大夫永平路總管溧漆二水為害有
司歲發民築堤德溫曰流亡始集而又役之是重困民
也遂罷其後而水亦不復至

是西自西山南至保定河間北抵檀順東至遷民鎮凡
係官地及原管各處屯田悉從分司農司立法佃種合
用工價牛具農器穀種給鈔五百萬錠命悟良哈台烏
古孫良禎並為大司農卿又于江南召募能種水田及
修築圍堰之人各一千名為農師降空名添設職事物
牒十二道募農夫一百名者授正九品二百名正八品
三百名從七品就令管領所募之人所募農夫每名給
鈔十錠由是歲乃大稔

大學衍義補

今國家都于燕京師之東皆瀕大海烟火數千里居民
稠密當此全安極盛之時正是居安思危之日乞將虞
集此策 勅下廷臣計議特委有心計大臣循行沿海
一帶專任其事仍令先行閩浙濱海州郡築堤捍海去
處取士民之知田事者前來從行相視可否講究利害
處置既定然後召募丁夫隨宜相勢分彊定畔因其多
少授以官職一如虞集之策臣嘗聞閩浙之人言大凡
瀕海之地多鹹鹵必得河水以蕩滌之然後可以成田
故為海田者必築隄岸以闡鹹水之入疏海渠以導淡

水之來然後田可耕也臣于京東一帶海涯雖未及行而嘗泛漳御而下由白河以至潞者觀其入海之水最大之處無如直沽然其直瀉入海灌溉不多請于將盡之地依禹貢逆河法截斷河流橫開長河一帶收其流而分其水然後于沮洳盡處築為長隄隨處各為水門以司啟閉外以截啟閉外以截鹹水俾其不得入內以洩淡水俾其不至漫如此則田可成矣於凡有淡水入海所在皆依此法行之則沿海數千里無非良田非獨民資其食而官亦賴其用如此則國家坐享富盛遠近皆有所資譬則富民之家東南之運其別業所出也濱

海之收其負郭所獲也其為國家利益夫豈細哉由是而可以寬東南之民由是而可以壯西北之勢虞集之言不見用于當時而得行于今日矣

巨浸每當夏秋霖潦之時膏腴變為鴻鹵菽麥化為萑
蒲矣夫水患之當除大槩有三曰濬河以決水之壅也
曰疏渠以殺淀之勢也曰撤曲防以均民之利也唐刺
史盧暉于河間開長豐渠引水東流以溉田宋臨津令
黃懋屯田雄莫等州置斗門引淀水灌溉民賴其利嘉
靖初巡撫許宗魯濬三岔口引諸淀入海而景州知州
劉深開十項窪導決河入渠民免水患此皆昔人遺法
而近世行之有效者也工部請如鄯議并令貞明遍歷
郊與撫按司道請求疏濬蓄之法焉貞明親至永平
一帶設法開壑成總兵繼光復以南兵助之一歲之間

閩

已得熟田三萬九千餘畝時內侍勳戚恐奪其田又虞
增課為累極力飛言阻之御史王之棟出疏糾劾神宗
親御門諭令停止閣臣恐違內臣意不敢爭人惜之崇
禎十五年六月上諭西北水利長便易舉又出貞明潞
水客譚命閣臣抄發戶部着詳議舉行然已無及矣
天啟中屯田都御御史董應舉云臣近到天津歷何家
園白塘口雙港辛庄羊馬頭大人庄鹹水沽泥沽葛沽
見汪司農往日開河旧蹟犹存可作水田甚多不久荒
開之甚易一畝農工止用八錢可得粟三石三斗久荒
者農用工一兩其挑濬旧河為力不多只須挑濬數尺

廢

明年萬石之糧可必也按天津水田議之者科臣解學龍也董應舉所開四當口及雙白二港又同知盧現象所開何家園皆得米萬石轉餉關門此亦曩行水利之明效也今盡汙萊矣

萬曆十四年 月上視朝畢御煖閣問輔臣申時行等曰近開水田人情甚稱不便不宜強行時行曰前者科道官紛紜建議謂京東地方田地荒蕪廢棄可惜相應開墾京南常有水患每大水時至漂沒民田數多相應疏通故有此舉昨御史既言潯沔河難治宜且暫停若開墾荒田則薊州等處開成已五六萬畝不宜遽罷上

復云南方地卑北方地高南地溫潤北地鹵燥且如去年天旱井泉乾竭水田如何可做時行等云臣等愚意亦只欲開墾荒田不欲盡開水田上從之又以御史王之棟言竟罷工部言開墾成熟地數已三萬九千餘畝棄之可惜不聽

郡國利病書卷之三

香河縣

邑境濱河東南運艘役是以達京通而地窪沙積不得不役民治之歲設百夫隄障狂瀾以五十五夫疏濬運道民苦勞費官苦省成交困矣又有護運兵夫數十名無重載徑過輒荷戈從之輪轉撥防終朝達旦此白河之苦也而新河剥船兩項物力更交征焉先是選丁夫三百三名往任新挑挖之役旋稱不便已之但按丁索錢解工部于彼處募役是皆有身之為累耳鈔關剥船分派百七十七隻于本縣、選有力者領之故事每船正頭一名有朋戶一二名可幫一兩貼戶三四名可幫

君國和... 卷三
一兩八錢以資脩船更報拘追無端騷擾至四十六年
倉院王 題准裁去朋貼止用正頭于通濟庫領銀修
船民困少蘇

縣界去鹽場路甚近鹽多私販價賤民不樂買商鹽至
萬曆九年間以商鹽難行鹽課未完則官不得考滿商
鹽到本縣按丁派散每鹽十六斤定價一錢官為追比
商收價訖縣官方報完定為例

太僕寺寄養馬本縣原額六百九十疋嘉靖四十二五
年節經按院題減一百六十疋今五百三十疋寄養五
百三十戶十社屯置十群、有長有醫毀其草料銀通

縣均派每地六頃五十畝零養馬一疋內以地多者一
人為頭如頭戶絕逃輪二戶領養每馬一疋于六頃五
十畝內人戶派起草料銀七兩二錢許馬戶充支本縣
每月一點驗太僕寺每歲終一巡查其肥瘠虛實得殿
最縣官凡瘦損馬疋除退印外姑容留養者名曰團槽
限三個月添膳解烙平時馬有倒失馬戶報縣對領簿
驗皮色失者審核得實俱取醫隣結狀存案通詳太僕
寺三堂及順天府馬政廳下縣照例處之或免罪納價
或免罪買補或問罪買補三等以領養年分遠近為差
其買補馬疋解寺印烙先由馬政廳勘驗次寺丞堂次

古國和... 卷三
大堂次少卿堂或本馬不中退回再買至調發充軍亦馬戶管解交納勞費不賞賠累極苦五年編審乃得代馬近太僕寺頒行條款附列于左

一倒死馬疋宜從萬歷三十年少卿施所題例初次倒死者十年以上追銀十兩未及十年責令買補買補復倒十年以上追銀五兩五年以上追銀八兩未及五年者追銀十兩凡遇灾荒年分顆粒無收另行申請以便隨時酌處

一科罰之法宜從萬歷九年少卿蕭所題例如領養三三月內倒死者免罪買補以領養年月稍近不服水草

草所致三月外倒死者尚罪買補以已服水草以作踐之罪之三年內倒死者尚罪買補以領養年近必作踐所致三年外倒死者免罪買補以領養年分稍久或羸瘦所致倒死買補復倒者例追價銀十二兩一若馬倒不行申報寺院并該府私自買補名為冷補者查出從重究治

一如走失之馬問擬當查年月久近科之如出巡走失不到之馬不分年月久近俱行究擬

按周寺馬不得不寄牧近郊近郊之邑不得不分派編戶其勢然也顧寄依之馬傷殘于寄養者什之三四迨

允于官軍之騎操而催折尤甚龍驤可却強胡者有幾
然民間一任芻牧而中人之產不數年而蕩盡哀我人
斯制命于馬使原額馬數至今猶在香河之民有子遺
哉

本縣支遞馬額十六疋每年挨里順甲應役每疋領原
庫銀二十四兩外甲內按地私貼至五六兩民稱煩
苦萬歷三十一年知縣李垂街因稅監高淮徃反騷擾
應付不給請增十疋申允不役里甲別招商人養馬走
遞名曰馬商每馬一疋歲給庫銀五十二兩槩足馬價
工食草料等費民甚便之遂為例

營州前屯衛永樂初開屯正軍八百餘名貼軍餘丁六
百五十名成化八年將各屯軍調發石塘古北二路防
邊嘉靖三十二年將官下舍餘抽垛新軍五十三名調
發石塘路防守家屬隨住月糧布花各路造支本衛止
存老幼餘丁三百餘名今漸消弱

按自永樂初撤大寧都司命以其屬衛散屯內地而邑
始有衛凌夷至今日名亡者什七實沒者什九戎政之
弛莫可詰問矣

順治十七年八月御史陸 疏言霸州城南之地保定
縣河北之田文安縣東窪等處俱坐落堤外向時止有

琉璃河水道故十年五潦以五年之收賠五年之潦民
止勞其力而未嘗盡其財自順治十年間渾河南注從
霸州城下達口頭村而赴東洵渾波所過蕩為巨津而
三處之地皆成水府淵深不測一望汪洋數十里千頃
之良田久已問諸水濱矣

通州志

漕渠

外漕河即潞河也流經州城東至天津接御河以南通
江淮舳舻由此而達元史所謂通州運糧河全仰白榆

渾三河之水名曰潞河是也

榆河即今富河之上流然
渾河今在州城之南相去

潞河甚遠不知當
時何以會同也

河設淺置鋪以時挑濬河道指引河

洪 東関葦子廠淺 趙八廟淺 花板石廠淺 供

給店淺 白阜園淺 白阜園下淺

已上係通州地方
軍淺通州左等四

衛僉撥軍夫
每淺十名

荆林淺 南管淺 盧家林淺 里二寺

淺 王家淺 馬房淺 楊家淺 和合驛淺 蕭家

林上淺蕭家林下淺州北民夫係通州地方民長陵營淺

老河岸淺 馬頭店淺北土壩一處在州東

城角防禦外河通倉糧米就此起載 土壩剥船一百

五十隻船戶一百五十名自張家灣起剥到土壩每糧

一石脚價銀六厘五毫石壩剥船石壩在裏漕通惠河

而剥船在外河故附于外一百八十隻船戶一百八十名亦自張家灣起剥

至石壩過壩每糧一石脚價亦六厘五毫 外河官糧

剥船嘉靖年來始置正德以前運船至五月以後俱到

通州城下自城東北角停泊迤運而南七八里許挨次

于東關廂起車無欄河委差之擾無起剥脚價之費近

因三四月間河常水淺始置外河剥船若河淺起剥亦

權宜之利是也及河至五六月水必湧漲運舟可以長

行仍令照舊俱至通州城下通糧就船起車京糧船令

至城北角就近石壩起剥則剥價可省而運軍甚便今

置有攔河之官乃不論水之深淺運船可否通行一緊

攔阻通令自灣起剥其故何哉車戶一百五十名自土

壩起糧至中東倉每百石脚價銀一兩一錢至西倉南

門北門南倉東門每百石脚價錢銀一兩二錢至西倉

西門南倉北門每百石脚價銀一兩三錢

裡漕河即通惠河也河之地方雖半屬在京大興縣然

河運事務俱隸通州戶工二部分司總理而委用管閘
管壩俱通州各衛之官經紀水脚之後則京通人互充
而通人俱多一河之事通用紀之 石壩在州舊城北門外嘉靖七

年通流閘在州城中心船運不行惟時蓄洩以助內外之水 普濟閘在通流閘西二十里

平津下閘在普濟閘西十三里 平津上閘在下閘西四里 慶豐下閘在平津上

土里慶豐上閘在下閘西五里 大通橋在京城東南角以東一里許已上橋閘俱元時

建每閘剝船六十隻經紀六十里普濟平津上下慶豐

上下五閘共剝船三百隻經紀三百名每經紀一名領

領船一隻看管修理每糧一石脚價銀二分一厘一絲

八忽二微水閘五閘每閘十七名石壩三十六名共一

百二十一 名搬抗糧石每糧一石脚價銀九厘一毫三

絲九忽一微御史吳仲曰臣謹接通惠河即元郭守敬

所修故道也入國朝百六十餘年沙衝水擊幾至湮塞

但上有白浮諸泉細流常涓、焉成化丙申嘗命平江

伯陳銳疏通以便漕運漕舟曾直達大通橋下父老尚

能言之射利之徒妄假黑青之說竟為阻壞正德丁卯

又嘗命工部郎中畢昭戶部郎中郝海叅將梁奎復疏

通之所費不貲功卒不就其勢雖壓于權豪要之三人

者亦不能無罪焉嗣是屢有言者多不得其要空言無

補嘉靖丁亥臣巡視通倉往來相度因見水勢陵峻直

君國和... 卷三
達艱難踵御史向信之言為撤剝之說向信疏見恭遇通惠河志皇上神明言入即悟賢宰相實力贊之隨命臣暨工部郎中何棟戶部郎中尹嗣忠叅將陳璠同往修之工興於戊子二月告成于本年五月不四月而糧運通行上下快之是年所費總七千兩運糧二百萬石所省腳價十二萬兩功完仍命臣供職如舊又逾年而始得代初年止運軍糧令則併民糧亦運之要之水能行舟能負重所謂多益善斯乎無不可者其有不可者乃治河者之罪非河之罪也但地形高下不無衝擊之患歐陽玄所謂勢如建瓴壹蟻穴之漏則橫潰莫制誠如是

言也隨時修濬防守之功尚有賴于後之臣工焉

倉廩

大運西倉在舊城西門外新城之中俗呼大倉永樂間建廩九十七連三百九十三座計二千一十八間圍基八百四十四箇內有大督儲官廳一座監督廳一座各衛倉小官廳六座籌房各二間井二口各門掣斛廳各一座西南北三門各三間大運中倉在旧城南門裡以西永樂間建廩四十五連一百四十五座計七百二十三間圍基二百二十二箇內有大官廳一座東門掣斛廳一座南北二門內各有增福廟前接一軒作掣斛廳

各衛倉小官廳五座各籌房二間井一口東南北三門各三間 大運東倉在舊城南門裡以東永樂間建廠一十五連四十一座計二百五間因基一百八箇內有神武中衛倉小官廳一座摯斜廳一座神南右北三門各一間大運南倉在新城南門裡以西天順間添置廠二十八連一百二十三座計六百一十五間因基二百九十二箇內有各衛倉小官廳四座籌房各二間各門摯斜廳各一座東北二門各三間內板木廠一處門一間官廳一間每年收貯各運松板楞木專備鋪墊各廠用曬米廠一處在新城外西南角向北門二座週圍墻

垣計地五頃六十畝 東黑窑廠在城東南八里先年領價燒造磚瓦以備脩倉之用則不惟費用不貲且多逋負自嘉靖七年間將官民船順帶磚料除收發外其半段者修倉取用則費省而事便 西黑窑廠在城西南二十里許昔嘗燒造磚瓦緣土性粗惡今亦停止土坯廠三處東坯廠在旧城南門西南坯廠在西新城南門西北坯廠在新城西門北俱有官地打造土坯修倉應用

糧額

漕運糧額每年四百萬石正兌京倉七分通倉三分除

京倉不計外通倉收糧一百四十五萬六千六百二十石內 粳米一百一十七萬八千三十六石 粟米二十七萬八千五百八十四石 改兌京倉四分通倉六分

設官

內提督宣德年間設太監一員總督倉場正統間添設一員或二員提督後為常例嘉靖十四年言官上疏戶部查議裁革內監督正統元年設太監一督倉糧景泰以來又設一員或二員至正德間陸續添置十七八員嘉靖初裁革止留二員嘉靖十四年盡行裁革外提督

宣德間設通政一員總督糧儲正統元年令南京戶部侍郎一員提督倉場正統三年以來令本部侍郎或尚書總提督京通倉場糧草提督修倉工部左侍郎一員領 勅修倉往年常出巡通州近惟在部代管巡倉御史景泰二年設差一員專管通倉其京倉巡視東城御史帶管嘉靖七年改屬一員加以提督字面巡歷京通二倉坐糧員外成化十一年本部初委員外郎一員專管通倉坐撥糧斛禁革奸弊續于嘉靖十年領勅会同巡倉御史督理糧運兼管通會河事務驗給輕齎給散羨餘查解扣省銀兩 監督主事四員專管收放糧斛

禁革奸弊協助進士每年遇糧運湧至戶部量差辦事
進士三四員協助收糧完回部 修通倉主事一員
常在通州駐劄三年一換係註選專管修理大運各倉
經歷宣德間設六員通州衛一員通州左衛一員通
州右衛一員神武中衛一員定邊衛一員武清衛一員
至嘉靖八年御史吳仲奏革止存三員通州衛帶管武
清衛倉通州左衛帶管通州右衛倉神武中衛帶管定
邊衛倉 倉副使共二十二員經收糧斛週歲任滿守
支攢典共二十二名周歲役滿起送吏部冠帶回倉守
支此于通州等六衛倉分為二十二官下每一官下副

使攢典各一員名故各二十二員名此為現任餘各為
守支脩倉委官把總通州衛指揮一員通州右衛百戶
一員

置役

甲斗每一官下每年額食通州等六衛軍餘一十五名
應當者守錢糧歇家每一官下額設一十五名共三百
三十名專管包圍糧米進廠修理倉墻 小脚每一官
下額設五十名共一千一百名專管抗糧倒囤晒夫無
定數俱于近倉居住軍民聽坐糧負外僉充 鋪軍二
百八名係通州等六衛正軍內撥送各倉墻外守鋪盡

晝夜巡邏 倉門守把官軍宣德九年戶部奏行吏部
辦事官兵部取撥致仕軍官守把計四倉共九門每門
各二員老軍餘丁共十名一年一換辦事官半年一換
嘉靖九年御史吳仲奏改各倉官攢各一員名軍斗八
名守把先年三月更換今每月一換 修倉官軍四百
五十員名通州衛十八名通州左衛二十七名通州右
衛六十九名神武中衛一百八名定邊衛八十五名營
州左屯中屯前屯後屯四衛每衛二十四名興州後屯
衛一十三名密雲中衛二十四名涿鹿左衛一十名每
年額修倉廩五十五座如有損漏隨時修葺者不在此

取撥

限修倉軍夫做工 八月至冬寒沍難以興作則令辦料
四月

關支

每年除正六七八十一月于京倉放支外其二三四五
十月俱于通倉放支九月十二月于大倉庫放銀折糧
如太倉缺銀通倉糧米放支其關糧衙門在京者錦衣
衛武驤左右二衛騰驤左右二衛府軍左右前後四衛
府軍衛金吾右前後三衛旗手衛燕山衛燕山左前二
衛龍驤衛豹韜衛濟州衛大寧中前二衛忠義右前後
三衛會州衛神武左後二衛牧馬所大具左衛鎮南衛

富峪衛義勇衛武功右衛留守左右中前後五衛羽林
左右前三衛義勇左右前後四衛兵武衛應天衛永清
左右二衛武德虎賁二衛和陽衛犧牲所蕃牧所寬河
衛驍騎衛蔚州左衛彭城衛神策衛鷹揚衛武城中衛
濟陽衛潘陽左右二衛虎賁左右二衛龍虎衛光祿太
常二寺印綬欽天司設尚衣御馬御用司禮內官共八
監供用庫巾帽織染二局織染所兵仗銀作針工三局
承運庫雍府大軍御馬二倉太平庫寶鈔提舉司都稅
司等衙門申府教坊司長安等四門西城坊草場通州
衛在外者通州左右二衛神武中定邊武清三衛通州

合屬營州左屯中屯後屯三衛通州左等衛修倉密雲
中衛張家灣稅課司北草場倉張家灣批駁所鄭家庄
金盞兒甸壩上東壩上南壩北壩上北馬房壩上南石
渠泮石橋峪口官庄峪口張家庄南石渠西共十二倉
北草場北高倉吳州後屯前屯二衛泮石倉義合吳家
橋二倉

馬政

國家以地制馬每養馬一匹免徵糧地一半其法未嘗
病民也乃今西畿及河南山東之民困于種俵而順天
州縣疲于寄養言及馬政民未有不疾首蹙額者也然

方其馬之解俵于太僕也龍驤虎躍真可以却強胡而
寄死生一發于百姓之寄養則已傷殘十之三四再充
于官軍之騎操而推折過半矣賴以為用能幾何哉然
則馬政之在今日欲使不病民而軍得實用將如之何
而後可也

三河縣志

官莊之設後世弊政也洪惟我太祖高皇帝初定天
下即覈官民田土額徵稅糧與民世守真堯舜之道焉
至洪武十三年詔北平等處民間田土儘力開墾有
司毋得起科宏治二年又令順天等府入官田土俱撥
與附近無田小民耕種殊恩嚴制載在令典可攷見也
今之官田王田乃以下奉上分所宜然無容議矣何勳
戚之家富貴已極猶不能仰体祖宗至意輒肆行奏
討將民間力開永業指為無糧田地槩奪為已有噫有
是哉其鮮禮也嘉靖初年蒙差科道部屬會同巡按御

史親詣查勘退回侵占民田若干雖未能盡復舊制而積弊已稍除矣

草場

馬房為御馬設也無容輕議但其地自解閑外給佃于軍民者似不可不清焉蓋馬房設在縣西北故地亦盡在西北三河縣之民地及吳營二衛之屯田舉相參于其中奸徒乘機侵占兩相影射漫不可稽至使京衛官餘不但地以千百計且多膏腴而數復有餘民地屯田盡為鹵而數復不足夫典馬房者中貴也養馬者勢族也有司權不相涉奈之何哉至于兗東兗西二馬房

佃戶皆吾民也何兗東之地類以八九畝即作十畝且每畝徵銀三分兗西之地類以十一二畝止作十畝且每畝徵銀二分四厘茲可不為之一均耶

驛遞

三河西接京師東連遼薊使旌旁午至于旅人又皆城狐社鼠其大者則有高麗及朵顏諸夷入貢歲或再至三至往來經由無慮數千百人每人乘一馬仍索布五疋十人乘一車仍索布三十疋此昔年日費百金也近馬頭車戶俱係召募商人蓋皆衙前乖覺之徒其無賴又足以抗惡而息爭甚相宜也但當召募之時適奉明

旨嚴禁馳驛一時風清弊絕而各商皆樂于趨事迹未
牌票復濫觴矣此輩不惟毫無所得而且借債支吾是
豈應募之初心也哉今時給以草料工食又禁革其私
差且每人止令養二馬則力專事簡斯包攬寡而應付
不失也窮則變則通不其然乎

屯田

國家設立屯田有邊屯有營屯邊屯于各邊空閑之
地且耕且戰者也營屯于各衛且耕附近之所且守
者也即古寓兵于農之意法莫善于此矣但三河遷民
在先兩衛下屯在後凡地之美者民皆得而有之而軍

之所得者則地之惡者也幸其地多糧少頗足賴焉厥
復稅餘田名曰新增軍始困矣近照三河縣民地均後
推視前似為稍輕但兵衛地每畝止徵銀二分餘而營
衛則每畝徵銀四分餘夫一區地上徵糧懸絕至此宜
起不均之嘆也今丈地後增添附糧頗多倘略加調停
是亦平賦之政焉

昌平州志

陵寢之重以黃花鎮為之緊要而黃花之重以四海冶為之捍衛正猶唇齒相麗而散氣貴乎相接也是故四海冶內撫屬夷外禦強虜凡有警有事輒報黃花謂之山南欲行隄備旧在鎮後與四海冶潜通有一小道以便文移往來雖非事體猶之可也然而永寧懷來之人咸知捷徑間嘗由之第恐歲久人眾走為常川之道在經畧之所不及巡察之所未周惟有本土之官與附近軍民安常樂便習成故智萬一變出不測雖亟為之禁亦晚矣今若竟塞其小道則四海冶或有警報必由居

庸以達黃花關內外相去二百餘里不能朝發夕至未免失誤軍情為今之計必須使通衢絕往來之迹文移得飛傳之速斯圖出萬全而永無後患矣愚意當以邊牆通道適中之處建一寬敞高大堅固敵臺之上起屋三間以便直宿臺分內外俱用軟梯上下黃花撥軍三十名四海撥軍三十名分為三班以示寬恤其勞每日黃花軍十名四海軍十名在臺直宿凡遇傳報文移到時即刻隨發自外而入者至臺下黃花軍人傳遞自內而出者四海軍人傳遞每傳遞必二人同行以防山險踈虞至于臺軍輪流挨定如有推奸持頑失誤者定以軍法從事嚴行曉示如此則旁徑易塞而文移傳報永不費難矣

昌平添設武職

提督 嘉靖二十九年邊警之後添設提督兼署都督
僉事專管入衛邊兵防守 鎮守仍兼署都督僉事本
鎮管帶黃花居庸鎮邊三路叅將三員遊擊四員坐營
一員守備五員管領永安標下兵馬二枝及統帥翠華
昌平白洋道兵三枝各三千名黃花一路主兵三千五
百員名居庸一路主兵四千員名鎮邊一路四千員名
遊兵 嘉靖三十七年冬憲副楊公招募軍民三千
名立為遊兵一營統兵遊擊一員 標兵 嘉靖四十
二年十月北虜犯牆子嶺兵部會議添設昌平總兵下

標兵三千負名就于永安營摘發軍二千名召募家丁
三百名新軍四百名蔚州等州縣清解軍三百名共三
千名立一營統兵遊擊一員 坐營 嘉靖四十三年
春軍門議設總兵標下添坐營中軍官一員以都指揮
體統行事 鞏華營 鞏華建設出自 世宗朝建鞏
華城都督府戍為守備官復改副總兵官俱都指揮復
改分守官以指揮推補今改設游擊領兵三千遇用操
日赴才安城演武教場操備 守備 奉 勅協同內
守備專保守陵寢以署都指揮體統行事

容雲縣志

石塘嶺關東自陳家谷口西抵升連口延袤二百四十
七里屬下關寨二十三

白馬關

黃崖口

營城嶺

馮家谷

白崖谷

划車嶺

嚮水谷

左二関

西駝骨関

東駝骨関

陳家谷

开連口

神堂谷

河坊口

大水谷

小水谷

牛盆谷

白道谷

大良谷

東水谷

西石城

東石城

共計邊城二百四十七里附牆臺三座空心敵臺二十九座

古北口関東自盧家安西抵蚕房谷延袤一百四十七里屬下関寨十六

師坡谷

龍王谷

磚塚子

了髻山

司馬臺

鴉鵲安

盧家安

蚕房谷

陡道谷

弔馬谷

潮河七寨

潮河川關

潮河六寨

潮河五寨

潮河一寨

共計邊城一百四十七里附牆臺一座空心敵臺一百一十一座

曹家寨關東自小臺兒寨西至將軍臺寨延袤一百三十五里屬下關寨二十二

將軍臺

栢嶺安

齊路崖

梧桐安

扒頭崖

師姑谷

倒班嶺

大角谷

漢兒嶺關

水谷

黑谷

烽臺谷

燒香谷

惡谷

南谷

遙橋谷

大蟲谷

大水窪

蘇家谷

姜毛谷

石塘谷

小臺兒

共計邊城一百六十四里空心敵臺五十八座
墻子嶺關東自魚子山西抵大黃崖口延袤二百三十
一里屬下關寨十一

鎮虜營

灰谷口

北水谷

南水谷

熊兒谷

魚子山

大黃崖

小黃崖

磨刀谷

黃門口

南谷

共計邊城一百四十五里空心敵臺十座

斤兵制

總督標下除原設振武營外節年題增

西路協守副總兵營

左營

右營

輜重營

永勝奇兵營

鎮虜奇兵營

石匣營

石塘嶺營

古北口營

曹家寨營

墻子嶺營

西路南兵營

防守大水谷河大班軍營

防守石塘嶺大同邊軍營

防守古北口山

延綏邊軍營

京營神樞車兵營

防守曹家寨河間班軍營

保定班軍營

寧班軍營

協守墻子嶺大同班軍營

密雲守備營

已上各營設副叅游守都指揮無定員兵馬數目俱見

四鎮三關志

密雲縣東至墻子路九十里東北至石連城六十里
石連城四門副總兵東南至墻子路六十里東至曹家
寨九十里北至古北口四十里 石塘路四門都司南
至密雲四十里西至大水峪四十里東至石匣四十里
北至白馬關四十里西北標騎堡白河從堡西北塞外
來徑石塘嶺至密雲城下東北石佛堡北馮家谷堡又
西少北馮家谷軍堡 石塘東北白馬關二門操守南
至石匣七十里東至古北口九十里西至石塘路四十
里北至邊墻十里北有小河流至石佛堡南下白河

口西有堡東陳家谷堡 東有水流至潮河川城西入
潮河又東為潮河川 大水峪三門操守東至石塘路
四十里西至黃花路界四十里北至邊墻南至密雲三
十里北西石城堡西北東水峪堡南神堂峪堡西河坊
口堡西南開連口堡開連口南為漕河營二門北至懷
柔二十里又南為牛欄山堡四門南至順義二十里
古北口三門都司東至司馬臺二十里北至邊墻三里
北為北關營城二門倚關下川口東南為潮河川堡二
門操守司馬臺二門操守北至邊墻八里東南有蔡家
店民堡將軍臺軍堡新城莊民堡 東為曹家寨路四

門守備西至石匣八十里東至黑谷關二十里北至邊
牆十里東大角谷民堡有水從堡東入下潮河 黑谷
關一門操守西至曹家路二十里東南北三面皆邊牆
南遙喬谷民堡有水入焉曰南峪水口又南吉家莊搽
守東至曹家路三十里西至司馬臺二十里南至邊牆
二十里有大蟲峪水口其南有楊家民堡 東北大黃
崖河口小黃崖堡 南小黃崖河口 南為墻子路三
門都司西至密雲七十五里有河西至石匣南入潮河
東三里磨刀峪堡折而南黃門關堡有河合于墻子路
河又南魚子山堡熊兒寨堡熊兒營堡 墻子路之南

為北水峪堡又南為鎮虜營有二城東舊城西新城各
二門操守西至密雲六十里東至北水峪堡十里北至
墻子路三十里又南為平谷縣

昌鎮邊長二百九十四里九分 黃花鎮東至升連口
二十里密鎮交界西至驢兒駝九十里居庸路交界南
至蘓家口四十里昌平交界北至火澱山三十里宣鎮
交界 居庸關東至龍嶺等六口黃花路交界六十二
里西至石硤峪等三口鎮邊路交界五十二里南至昌
平交界二十里北至宣鎮交界三十五里 鎮邊城東
至五座墩六十二里昌平州交界西至南石羊二十五
里保鎮沿河口交界
密鎮長六百八十二里

昌鎮 慕田峪城三門操守東北慕田欲峪堡自堡而

西賈兒嶺堡西北有水入焉西田仙峪堡 西南渤海所
 三門都司所城西北擦石口堡磨石口堡驢鞍嶺大榛
 峪堡南冶口堡南冶口東南大長峪堡南冶口西長小
 峪堡 西南黃花鎮城三門操守黃花鎮川河自二道
 關頭道關入迳鎮城東下懷柔界黃花鎮而西頭道關
 外又一重曰二道關撞道口堡鷄子峪堡西水峪堡八
 達嶺 自居庸關正城西北石峽峪城北石峽峪口
 東糜子峪口東接八達嶺口西華家窰口西接分水嶺
 隘口 自居庸關南口西白羊城二門操守西白羊新
 城新城北高崖口白羊城正北長峪城二門操守長峪

城正北橫嶺城二門操守北火石嶺隘口東北分水嶺
 隘口居庸路交界長峪城西長峪新城 長峪新城西
 北橫嶺西接邊城三門都司西北唐虞菴隘口
 密鎮所屬沿邊六百六十七里 墻子路邊長二百零
 九里 鎮虜關東接馬蘭谷交界地名石門廠起西至
 本路交界西山廠止 墻子路正關河口花樓迤西起
 至副將臺止河水流通無邊墻處濶二十丈 曹家路
 邊長一百二十里 吉家莊東自墻子路交界地名鎮
 口臺起西至曹家路劄刀峪墩止共邊長三十三里
 黑峪關東自吉家莊交界地名黑沙峪墩起西至古北

路大鋸齒安墩止共邊長八十七里 古北路邊長九十
十里 司馬臺東自曹家路交界地名楊木頂起西至
古北路紅門臺止共邊長四十五里 潮河川東自本
路紅門臺起西至石塘路交界地名黃花臺止共邊長
四十五里 古北正關水口濶三十丈 石塘路長二
百四十八里 白馬關東自古北路交界地名陳家峪
起西至大水峪交界塔兒安臺止共邊長一百十八里
大水峪東自白馬關交界地名花兒臺起西至黃花路
慕田峪交界黃草窪臺止共邊長一百三十里石塘正
關河口濶三十丈五尺

昌鎮所屬黃花路邊長九十里一分東接石塘路大水
峪開連口起西至居庸路驢兒駝止 居庸路邊長一
百三十一里二分東接黃花路磚廟梁起西至鎮邊路
軟東頂止 鎮邊路邊長七十一里東接居庸路石峽
峪界軟東頂起西掛至枝庵斷頭崖止 自掛枝庵迤
西俱重山疊嶂未設邊牆直抵渾河東岸係保鎮地方

新編
卷三

三



